

Қуръонда ҳижоб ва ўраниш масаласи

Борлиқ ато этувчи ва Раҳмли Аллоҳ номи билан

Кириш

Қуръони Каримда ҳижоб сўзи етти марта келган бўлиб, бу етти ўринда унинг маъноси бир нарса иккинчи нарсанинг қўринишини тўсувчи ёки қўринишига тўсқинлик қилувчи дегани. Демак, ҳижоб «тўсувчи» ва «тўсқинлик қилувчи» маъноларини англатади ва тўсиқ ҳам икки хил бўлади: моддий ва маънавий. Ҳар икки тўсиқ оятларда келган бўлиб, биз уларни шу ўринда кўздан кечирамиз:

Моддий тўсиқ:

﴿فَقَالَ إِنِّي أَحُبُّتْ حُبَّ الْخَيْرِ عَنْ ذِكْرِ رَبِّيِّ حَتَّىٰ تَوَارَتْ بِالْحِجَابِ﴾

У: «Албатта, мен Роббимнинг зикридан кўра дунё ишқига берилиб кетиб, ҳатто (қуёши) тўсиқ ила беркинибди-ку!» (Сод сураси, 32-оят)

Лугатшунос олим Ибн Асир айтади: «Оятдаги ҳижсобдан мурод уфқдир.»¹ Айрим тафсирчи олимлар: «Ҳижсобдан мурод қуёшининг беркинишидир», деб айтганлар.

﴿فَاتَّخَدْتُ مِنْ دُونِهِمْ حِجَابًا فَأَرْسَلْنَا إِلَيْهَا رُوحًا فَتَمَثَّلَ لَهَا بَشَّرًا سَوِيًّا﴾

«Ва улар билан ўзи орасида тўсиқ олганда, Биз унга Ўз руҳимизни (Жаброилни) юбордик. Шунда, у унга бус-бутун одам сиймосида намоён бўлди.» (Марям сураси, 17-оят) Бу ўринда «тўсиқдан мурод девордир»² деб айтилган.

﴿وَإِذَا سَأَلُتُمُوهُنَّ مَتَاعًا فَاسْأَلُوهُنَّ مِنْ وَرَاءِ حِجَابٍ﴾

«Қачонки улардан (Пайғамбарнинг завжаларидан) бирор нарса сўрасангиз, тўсиқ (парда) ортидан сўранг.» (Ахзоб сураси, 53-оят)

1. Ибн Асир, Ах-Нуҳоя фий гарийбил ҳадиси вал асар, 7 – асар, 102 – бет.

2. Шайх Тусий, Ат-Тибён тафсири, 7 – асар, 102 – бет.

Ушбу ояти карима сарвари олам Мұхаммад Мустафо (саллаллоху алайхи ва олихи васаллам) нинг завжалари ҳақида айтилган бўлиб, оятдаги ҳижоб (тўсиқ)дан назарда тутилган маъно уларнинг номаҳрамларга кўриниб қолишларига моне бўладиган парда каби бўлган тўсиқdir.

﴿وَبِيْنَهُمَا حِجَابٌ وَعَلَى الْأَعْرَافِ رِجَالٌ يَغْرِفُونَ كُلًا بِسِيمَاهِمْ﴾

«Уларнинг ораларида тўсиқ бор, аъроф (номли макон)да кишилар бор бўлиб, ҳаммаларини сиймоларидан танирлар» (Аъроф сураси, 46-оят).

Ушбу ояти каримада ҳам ҳижоб (тўсиқ)ни, кўришнинг олдини оладиган моддий тўсиқ деб тушиниш мумкин.

Маънавий тўсиқ:

﴿وَمَا كَانَ لِبَشَرٍ أَنْ يُكَلِّمَ اللَّهُ إِلَّا وَحْدَيَا أَوْ مِنْ وَزَاءِ حِجَابٍ أَوْ يُرْسِلَ رَسُولًا فَيُوحِيَ بِإِذْنِهِ مَا يَشَاءُ إِنَّهُ عَلَيْ حَكِيمٌ﴾

«Аллоҳ башар билан сўзлашмаган, магар ваҳий орқали, ёки тўсиқ ортидан ёхуд элчи юбориши билан сўзлашган. У зотнинг изни ила хоҳлаган нарсасини ваҳий қилур. Албатта, У зот ўта олий ва ўта ҳикматлидир» (Шўро сураси, 51-оят).

Аллоҳ таолони моддий кўз билан кўриш мумкин бўлмагани учун мажозий таъбир билан ҳижоб (тўсиқ) ортидан сўзлашган деб баён қилинган.

﴿وَقَالُوا قُلُوبُنَا فِي أَكِنَّةٍ مَمَّا تَدْعُونَا إِلَيْهِ وَفِي آذَانِنَا وَقُرْ وَمِنْ بَيْنِنَا وَبَيْنِكَ حِجَابٌ فَاعْمَلْ إِنَّنَا عَامِلُونَ﴾

Улар: «Қалбларимиз сен даъват қилаётган нарсадан гилофлардадир, қулоқларимизда оғирлик бор, сен билан бизнинг орамизда эса, тўсиқ бор. Демак, сен амалингни қилавер, биз ҳам, албатта, ўз амалимизни қилгувчилармиз», дедилар. (Фуссилат сураси, 5-оят)

Муфассирларнинг айтишларича, ояти каримадаги пайғамбаримиз Мұхаммад Мустафо (саллаллоху алайхи ва олихи васаллам) билан кофирлар ўртасидаги

хижоб (түсик) бу – уларнинг ул зотга қарши чиққанликлари ёки уларнинг Исломни қабул қилишда Пайғамбарга мухолиф эканликлариdir.

Аллоҳ таоло бошқа бир оятда бу ҳакда шундай марҳамат қилади:

﴿وَإِذَا قَرأتُ الْقُرْآنَ جَعَلْنَا بَيْنَكَ وَبَيْنَ الدِّينِ لَا يُؤْمِنُونَ بِالْآخِرَةِ حَجَابًا مَّسْتُورًا﴾

«Қачон Қуръон қироат қилсанг, сен билан охиратга иймон келтирмайдиганлар ўртасида кўринмас тўсиқ қилурмиз» (Исрораси, 45-оят).

Ушбу ояти каримадаги хижоб (түсик)дан мурод кофирларнинг Қуръон маъноларини англай олмасликлариdir. Юқорида келтирилган ояти карималарда хижоб бирор нарсанинг кўринишини тўсуви тўсиқ ёки парда маъносидадир. Аммо биз баён қилмоқчи бўлган аёллар ва хотин-қизларга фарз қилинган хижоб ва ўраниш ҳукми Қуръони Каримнинг бошқа оятларида хижобдан ўзга иборалар билан баён этилган. Нихоят бурро ва фасоҳатли иборалар билан Қуръони Каримда аёлларга хижоб ва ўраниш вожиб қилинган. Юқорида айтиб ўтганимиздек, хижоб кўришнинг олдини оловчи тўсиқ ёки парда демакдир. Аҳзоб сурасининг 53-оятида мусулмонларга қарата: «Қачонки улардан (Пайғамбарнинг аёлларидан) бирор нарса сўрасангиз, тўсиқ (парда) ортидан сўранг» айтилган буйруқ асосида, бегона эркаклар Сарвари оламнинг завжаларини қўрмасликлари ва улар ҳар жиҳатдан кўзлардан узоқ ва беркинган ҳолда бўлишлари вожиб қилинган. Ҳолбуки, муслима аёлларга вожиб қилинган хижоб ва ўранишдан кўзланган ҳукм уларнинг бутун вужудини беркитиш эмас, балки ушбу мавзуга доир ояти карималарда баён этилган жойларни ёпишдан иборатдир, холос.

Энди аёлларга хижоб ва ўранишни буюрган оятларни кўздан кечирамиз:

﴿فُلْ لِلْمُؤْمِنِينَ يَعْضُوا مِنْ أَبْصَارِهِمْ وَيَحْفَظُوا فُرُوجَهُمْ ذُلِّكَ أَرْكَيٌ لَهُمْ إِنَّ اللَّهَ خَيْرٌ بِمَا يَصْنَعُونَ ﴾ ٣٠ ﴿ وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَبَيْحَفَظْنَ فُرُوجَهُنَّ وَلَا يُبَدِّلِنَ زِينَتَهُنَّ إِلَّا مَا ظَهَرَ مِنْهَا وَلِيَضْرِبْنَ بِخُمُرِهِنَ عَلَى جُبُوبِهِنَّ وَلَا يُبَدِّلِنَ زِينَتَهُنَّ إِلَّا لِبَعْوَلَتِهِنَّ أَوْ آبَائِهِنَّ أَوْ أَبْنَاءِ بُعْوَلَتِهِنَّ أَوْ أَبْنَاءِ بُعْوَلَتِهِنَّ أَوْ إِخْوَانِهِنَّ أَوْ بَنِي إِخْوَانِهِنَّ أَوْ بَنِي أَخْوَاتِهِنَّ أَوْ نِسَاءِهِنَّ أَوْ مَا مَلَكْتُ أَيْمَانُهُنَّ أَوْ التَّابِعِينَ غَيْرُ أُولَئِي الْإِرْبَةِ مِنَ الرِّجَالِ أَوِ الطَّفْلِ الَّذِينَ لَمْ يَظْهِرُوا عَلَى عَوْرَاتِ النِّسَاءِ وَلَا يَضْرِبْنَ بِأَرْجُلِهِنَ لِيُعْلَمَ مَا يُحْفِظُنَ مِنْ زِينَتِهِنَّ وَتُوَبُوا إِلَى اللَّهِ حِيمِعًا أَيْهَا الْمُؤْمِنُونَ لَعَلَّكُمْ تُفْلِحُونَ ﴾ ٣١ ﴿

«(Эй Мұхаммад,) мұмінларға айт: күзларини (номаҳрам аёлларға қараидан) тийсинлар ва авратларини (зинодан) сақласынлар. Ана шу (иши) үлар үчүн покроқдир. Албатта, Аллоҳ қилаётгандын ишларидан хабардордир.»

«Мұмина аёлларға айт: күзларини (эркакларға нисбатан шаҳватли нигоҳлардан) тийсинлар. Ва авратларини (зинодан) сақласынлар ҳамда күриниб туралыған (яғни юз, кафтлар ва оёқларнинг түпікден паст қисми)дан бошқа зийнатларини күрсатмасынлар. Рұмоллари билан күксиларини түсіб юрсинар. (Токи, бүйин ва күксилари күринмасын.) Зийнатларини күрсатмасынлар, магар әрларига ё оталарига ё әрларнинг оталарига ё үгилларига ё әрларнинг үгилларига ё ақа-укаларига ё ақа-укаларининг үгилларига ё опа-сингилларининг үгилларига ё диндош аёлларига ё үз құлларыда мулк бүлгелерге (чүриларга) ёки аёлларға ҳожати бүлмаган әркак хизматшыларға ё аёллар авратининг фарқига бормаган ёш болаларға (зийнатларини ошкор этсалар майли). Улар махфий зийнатлари билинсін деб юрганда оёқларини (ерга) үрмасынлар. Аллоҳға барчанғыз тавба қилингиз, эй мұмінлар! Шоядки, на жомт топсанғыздар» (Нур сураси, 30 ва 31-оятлар).

Ояти кариманинг шаъни нузули (нозил бўлганлик сабаби)

Юқорида келтирилган Нур сурасининг 30-оятининг шаъни нузули ҳақида Кофий китобида бешинчи имомимиз Муҳаммад Боқир (*алайҳис салом*)дан қўйидагича нақл қилинган:

Ансордан бўлган бир йигит йўлда кетаётиб тўсатдан бир аёл билан юзма-юз бўлади. Ўша пайтларда аёллар рўмолларини орқага қилиб боғлардилар ва натижада уларнинг бўйинлари, кўксилари ва кўкракларининг бир миқдори кўриниб турарди. Шунда ўша аёлнинг жамоли мазкур йигитнинг назарини ўзига жалб этади ва натижада йигитнинг кўзи унга тикилиб қолади. Аёл ўтаётганида йигит ҳам кўзи билан уни кузатиб йўл юриб борарди. Тор кўчага кириб қолган бўлса ҳам, орқасидаги аёлга қаттиқ тикилганча бораверарди. Шунда ногаҳон юзи деворга тегиб кетиб, девордаги ўткир шиша унинг юзини тешиб юборди. Аёл ўтиб кетгач, йигит ўзига келади ва юзидан оқаётган қон кийимларига тушаётганини кўради. Йигит бу ҳолатдан қаттиқ ранжиб, ўзига шундай дейди: Аллоҳга қасамёд этаманки, Расулуллоҳ (*саллаллоҳу алайҳи ва олиҳи васаллам*) ҳузурларига бориб, юз берган ҳодисани ул ҳазратга сўзлаб бераман. Сарвари оламнинг кўзлари унга тушиши билан нима бўлди? деб йигитдан сўрайдилар. Йигит рўй берган ҳодисани айтиб бўлгач, ўша заҳотиёқ ваҳий фариштаси бўлмиш ҳазрат Жаброил (*алайҳис салом*) нозил бўлиб ушбу ояти каримани Расулуллоҳ (*саллаллоҳу алайҳи ва олиҳи васаллам*)га келтирди:³

﴿فُلَّلِلْمُؤْمِنِينَ يَغْصُّوْ مِنْ أَبْصَارِهِمْ ...﴾

Нур сурасининг 30 ва 31-оятлари иффат, ҳаё, ҳижоб ва ўраниш ҳақида нозил бўлгани учун бу икки оятни бир жойда кўриб чиқиш лозим.

Ояти кариманинг биринчи буйруғи: «*Мўминларга айт: кўзларини (номаҳрамларга қарашдан ва назар қилиши ҳаром этилган нарсаларга назар солишидан) тийсинлар ва фаржларини сакласинлар*».

﴿فُلَّلِلْمُؤْمِنِينَ يَغْصُّوْ مِنْ أَبْصَارِهِمْ وَ يَحْخَطُّوْ فُرْزُجَهُمْ﴾

3. Шайх Ҳур Омилий, Васоилуш-шиа, 14-жилд, 139- бет ва шунингдек, Нурус-сақалайн ва Рухул маоний номли тафсир китобларида бир оз тафовут билан ояти кариманинг остида баён қилинган.

كالimasى يعُضُوا **غَصْ** үзагидан олинган бўлиб, қисқартириш ва тийиш маъносини англатади ва кўп ўринларда товушни пасайтириш ёки қарашни қисқартириш ва тийиш маъноларида ҳам қўлланади. Мазкур ояти каримада мўминлар кўзларини номаҳрам ва ҳаромдан юмсинлар деб айтилмаган, балки улар кўзларини тийсинлар ва нигоҳларини қисқартирсинглар деб айтилган. Бу эса ўта нозик таъбир бўлиб, агар инсон номаҳрам аёлга дуч келганда, кўзини буткул юмадиган бўлса, у ҳолда йўл юриши ёки йўлни давом эттириши мумкин бўлмай қолади. Аммо агар эркак киши кўзини номаҳрам аёл баданининг тузилиши ва зийнатидан буриб кўзини ерга олса, у ҳолда нигоҳини қисқартирган ва тийган бўлади, бу билан қарашлик тақиқланган саҳнани нигоҳи доирасидан четлатган бўлади.

Диққатга сазовор бўлган нарса шуки, Қуръони Карим кўзни нимадан тийиш кераклигини чеклаган ҳолда айтмаган ва бу эса қараш ҳаром бўлган барча нарсалардан кўзни тийиш зарур эканлигига далил бўла олади. Айниқса, кейинги ояти карима ҳижоб ва ўраниш ҳақида нозил бўлганини инобатга олсақ, номаҳрам аёлларга қарамаслик назарда тутилгани маълум бўлади. Оят нозил бўлганлиги ҳақидаги шаъни нузул ҳам фикримизни тасдиқлайди.

Ояти кариманинг иккинчи буйруғи фаржни сақлашдан иборат. Лекин бу ўринда фарж сўзи инсон авратидан киноя қилиб келтирилган. Бу оятда фаржни сақлашдан муород уни бошқалар нигоҳидан беркитмоқдир. Бу борада олтинчи пешвоимиз имом Жаъфари Содик (*алаихис салом*)дан ривоят қилинган ҳадисда шундай марҳамат қилганлар:

كل آية في القرآن فيها ذكر الفروج فهي من الزنا إلّا هذه الآية فإنّها من النّظر

«*Қуръони Каримда фаржни сақлаш тўғрисида келган барча оятларда зинодан сақланиши кўзда тутилган. Факат ушибу оядагина фаржни сақлашдан муород уни бошқалар нигоҳидан беркитшидир.*»⁴

Кўпларнинг нафсоний истак ва хоҳишлирига монанд бўлган бу ишдан нима учун ислом қайтарган? деган фикр юзага келиши мумкинлиги боис, оятнинг охирида: **ذلِكَ أَرْجُي لَهُمْ** «Ана шу (нигоҳни тийиш) улар учун покроқдир» деб айтилади.

4. Сиқатул ислом Кулайний, Усули кофий китоби ва Нурус-сақалайн тафсири, 3-жилд, 587 ва 588- бетлар.

Кейин эса ҳою ҳавасга берилиб билган ҳолда номаҳрам аёлларга қарайдиган ва бу ишнинг беихтиёр рўй берганини айтадиганларни огоҳлантириб: «Албатта, Аллоҳ қилаётган ишларидан хабардордир» деб уқтирилади.

Нур сурасининг кейинги оятида, яъни 31-оятда ҳам ушбу мавзуга доир аёлларнинг вазифаси баён этилади ва дастлаб уларнинг эркакларга ўхшаш вазифасига ишора қилиниб айтилади: «*Мўмина аёлларга айт: кўзларини (эркакларга бўлган шаҳватли нигоҳлардан) тийсинлар ва фаржларини сакласинлар*» ﴿وَقُلْ لِلْمُؤْمِنَاتِ يَغْصُبْنَ مِنْ أَبْصَارِهِنَّ وَيَحْفَظْنَ فُرُوجَهُنَّ﴾

Демак, Аллоҳ таолонинг Нур сураси 31-оятдаги буйруғига биноан, шаҳватли нигоҳ эркакларга ҳаром бўлганидек аёлларга ҳам ҳаромдир ва шунингдек, аёлларга эркаклар сингари авратларини бошқалардан хоҳ эркак бўлсин ёки аёл беркитиш вожибdir.

Сўнгра ушбу ояти кариманинг давомида аёлларга хос бўлган ҳижоб ва ўраниш масаласи тўрт ибора билан баён этилади:

1. «*Аёллар зийнатларини ошкор этмасинлар, магар табиий ҳолда зоҳир бўлган зийнатлар бўлса майли*» ﴿وَلَا يُبَدِّيَنَ زَيَّتَهُنَّ إِلَّا مَا ظَهَرَ مِنْهُ﴾

Аёллар беркитишлари зарур бўлган зийнат нима эканлиги ва шунингдек, кўрсатишлари жоиз бўлган зийнатдан нима назарда тутилганлиги ҳақида муфассирлар ўртасида турли фикрлар билдирилган.

Айримлар яширин зийнатни табиий зийнат (аёл кишининг чиройли бадани) деб айтганлар, ҳолбуки зийнат сўзи бу маънода жуда оз қўлланади.

Айрим муфассирлар эса зийнат деганда унинг тақиши жойини тушунгандар. Зоро, сирға, билакузук ва бошқа тақинчоқлар каби зийнатнинг ёлғиз ўзини ошкор этиш тақиқланмаган, балки қулоқ, бўйин, қўл ва билаклар каби зийнат жойини ошкор қилиш тақиқланган.

Баъзилар ҳам чиройли қилиб кўрсатувчи тақинчоқларни аёлнинг баданида бўлган ҳолдагина зийнат бўла олади деб айтганлар. Албатта, бундай зийнатни ошкор этмоқ тақинчоқлар тақилган бадани кўрсатиш билан бирга амалга ошади. Охирги икки тушунча, агарчи икки хил таъбир билан айтилган бўлса-да, бироқ бир натижага эга.

Агар биз мазкур оятни олдиндан муҳокама қилмай туриб унинг зоҳирий маъносига асослансан, билдирилган фикрлар орасидаги учинчи тушунча оятнинг зоҳирий маъносига тўғри келади. Демак, аёллар одатан яширин бўлган зийнатларини, агарчи баданлари намоён бўлмаса-да, ошкор этишга ҳақли эмаслар. Шунга биноан, аёллар ўзларига хос бўлган зийнатий кийимларини кийиб номаҳрам эркакларга қўрсатишлари жоиз эмас ва Куръони Карим нигоҳидан бу иш ҳаром ҳисобланади. Нега деганда, Куръон бундай зийнатларни ошкор этишдан қайтарган. Ахли-Байтдан бўлган имомларимиздан нақл қилинган ҳадисларда ҳам яширин зийнатни бўйинга тақадиган занжир, билақузук ва оёққа тақиладиган қўнғироқлар деб тафсир қилинган. Бошқа кўпгина ҳадисларда узук, сурма ва шунга ўхшашлар зоҳир бўлган зийнат деб айтилгани учун яширин зийнатдан мурод беркитиладиган зийнат эканлиги маълум бўлади.

2. «Аёллар рўмоллари билан кўксиларини тўсиб юрсинлар.» (Токи, бўйин ва кўксилари кўринмасин.) ﴿وَلِيُضْرِبَنَ بِحُمْرَهِنَّ عَلَى جُيُوبِهِنَّ﴾

Аёлларнинг ҳижоб ва ўранишига оид бўлган ушбу ояти каримада ҳұмур (хумур) сўзи кўплек шаклида келган бўлиб, унинг бирлик шакли ҳимар (химор) ҳижоб вазnidадир. Ҳимар (химор)нинг маъноси аёлларга хос бўлган соч, бўйин ва кўкракни беркитувчи рўмолга ўхшаш бош кийим демакдир.

Гиб (жийуб) сўзи кўплек шаклида бўлиб, унинг бирлиги жиб (жайб) (ғайб) вазnidадир. Ушбу сўз кўйлакнинг ёқаси маъносида бўлиб, мазкур оятда ушбу сўзниң мажозий маъноси, яъни томоқ ва бўйин назарда тутилган. Шунингдек, кўкрак билан томоқ ёнма-ён бўлгани учун сўзи кўкрак қисмининг юқорисини ҳам ўз ичига қамраб олади.

Шуни ҳам эслатиб ўтмоқ лозимки, жиб (жийуб) сўзининг бирлиги бўлган жиб (жайб) калимаси бир марта Намл сурасининг 21- оятида, бошқа бир марта Қасас сурасининг 22- оятида ва ушбу сўзниң кўплиги эса ушбу мақолада сўз юритилаётган Нур сурасининг 31- оятида келган.

Юқоридаги ояти каримадан маълум бўладики, оят нозил бўлишидан олдин муслима аёллар рўмолларини бошларига боғлаб, қолган қисмини елка ёки орқаларига ташлар эдилар. Шунинг учун бўйин ва

кўқракларининг оз миқдори кўриниб турарди. Ушбу ояти карима нозил бўлиши билан аёллар рўмолларини бўйин ва кўксиларига ташлаб баданларининг мазкур қисмларини тўсиб юришга буюрилдилар. Токи, бўйинлари ҳам, кўқракларининг очик қисми ҳам номаҳрам эркаклардан беркитилсин. Албатта, ояти кариманинг юқорида баён этилган шаъни нузулидан ҳам бу маъно яққол тушунилади.

3. Юқоридаги ояти каримада муслима аёллар ҳижоб ва рўмолларини очиб, яширин зийнатларини ошкор этишлари жоиз ва мумкин бўлган ўринлар ҳам қуидагича баён қилинади:

Улар зийнатларини кўрсатмасинлар ﴿وَلَا يُبْدِين زِيَّهِنَ﴾

Магар ўн икки жойда зийнатларини ошкор эта оладилар:

1. Эрларига ﴿إِلَّا لِعُولَيْهِنَ﴾
2. Оталарига ﴿أَوْ آبَائِهِنَ﴾
3. Эрларининг оталарига ﴿أَوْ آباءِ بُعْولَتِهِنَ﴾
4. Ўзилларига ﴿أَوْ أَبْنَاءِهِنَ﴾
5. Эрларининг ўзилларига ﴿أَوْ أَبْنَاءِ بُعْولَتِهِنَ﴾
6. Ака-укаларига ﴿أَوْ إِخْوَانِهِنَ﴾
7. Ака-укаларининг ўзилларига ﴿أَوْ بَنِي إِخْوَانِهِنَ﴾
8. Опа-сингилларининг ўзилларига ﴿أَوْ بَنِي أَخْوَاتِهِنَ﴾
9. Диндоши аёлларига ﴿أَوْ نِسَائِهِنَ﴾
10. Ўз қўлларида мулк бўлганларга (чўриларга) ﴿أَوْ مَالَكْتُ أَيْمَانُهِنَ﴾
11. Аёлларга ҳожати бўлмаган тобе эркакларга (жинсий истаги бўлмаган телба ва ақли оз эркакларга) ﴿أَوْ الَّذِي عَيْنَهُ أُولَى الْأَرْبَةِ مِنَ الرِّجَالِ﴾
12. Аёллар авратининг фарқига бормаган ёш болаларга

﴿أَوِ الْطَّفْلُ الَّذِينَ لَمْ يَظْهِرُوا عَلَى عَوْرَاتِ النِّسَاءِ﴾

4. Ояти каримадаги тўртинчи ҳукм қуидагича баён қилинган: «*Улар махфий зийнатлари билинсин деб юрганда оёқларини (ерга) урмасинлар*».

﴿وَلَا يَصْرِنُ بِأَرْجُلِهِنَّ لِيُعْلَمُ مَا يُخْفِيَنَّ مِنْ زِينَتِهِنَّ﴾

Жоҳилият даврида аёллар оёқларига ҳам турли тақинчоқлар, қўнғироқлар тақиб олишар экан. Кейин эса, эркакларнинг эътиборини ўзларига жалб этиш учун юрганда оёқларини ерга қаттиқ-қаттиқ уриб, ўша тақинчоқларнинг овозини чиқаришар экан. Бу эса, ўз навбатида эркакларнинг шаҳватини кўзғаб, аёлнинг ортидан тушиб хирилик қилишига ва охир-оқибат зинога олиб бориши мумкин бўлгани боис, Аллоҳ таоло юқоридаги ояти каримада бундай амални тақиқлаган. Бизнинг давримизда ҳам аёлларнинг пошнаси баланд пойафзалларни оёқларига кийиб олиб, кўчаларда юрганда ўша оёқ кийимлардан чиқадиган товушлар худди жоҳилият давридаги аёлларнинг оёқларига турли тақинчоқлар ва қўнғироқлар тақиб олиб эркакларнинг эътиборини ўзларига жалб этаётган бўлиб қўринади. Шунинг учун бундай пойафзалларни кийиш муслима аёлларга тўғри ва жоиз бўлмайди.

Демак, мўмина-муслима аёллар иффат ва ҳаёли бўлиш йўлини тутиб, эркакларнинг қалбида шаҳват ўтини алангалайдиган, уларнинг нопоклик ва зино томон оғишлирига сабаб бўладиган ҳар қандай ишлардан сақланиб бу борада жиддий ва кескин бўлишлари лозим. Ҳатто улар оёқларидағи тақинчоқлар ва қўнғироқларнинг ёки ҳозирги даврда пошнаси баланд пойафзалларнинг овозини эркаклар қулоғига эшииттиришдан ҳам сақланишлари зарур.

Аллоҳ таоло ояти кариманинг нихоясида эркак ва аёллардан иборат барча мўминларни Ўзи томон қайтиб тавба қилишга чақиради: «*Аллоҳга барчангиз тавба қилингиз, эй мўминлар! Шоядки, нажот топсангизлар*».

﴿وَتُبُوَا إِلَى اللَّهِ جَمِيعاً أَيُّهَا الْمُؤْمِنُونَ لَعَلَّكُمْ تُفْلِحُونَ﴾

Оятнинг охирида тавба қилишга чақирилганининг маъноси шуки, агар авваллари Аллоҳ таолонинг хижоб ва ўраниш борасидаги ҳукмидан бехабар бўлганлиги сабабли ўзини номаҳрам эркаклардан ёпмаган

мусулмон аёллар ҳижоб фарз қилинганини билгач, Аллоҳнинг бандаси ўлароқ, Унинг фармони баробарида таслим бўлсинлар ва очик юрганликларидан пушаймон бўлиб, қилган гуноҳларидан тавба қилсинлар. Зероки, нажот ва ютуқ фақат Тангри таолонинг даргоҳига юzlаниб, Унинг ҳукмларига бўйин сунишдир, холос. Инсон ҳаётида хавли тойишлар ва адашишлар эҳтимоли кутилади, бундай ҳолатларда фақат Худонинг фазлу марҳамати билангина нажот топиш мумкин.

Мусулмон аёлларга ҳижоб ва ўраниш вожиб эканлиги ҳақидаги иккинчи ояти карима:

﴿يَا أَيُّهَا النَّبِيُّ قُلْ لَاَرْوَاحِكَ وَبَنَاتِكَ وَنِسَاءُ الْمُؤْمِنِينَ يُدْنِينَ عَلَيْهِنَّ هَذِهِ أَذْنَى أَنْ يُعَرِّفَنَ فَلَا يُؤْذِنُونَ هَذَا وَكَانَ اللَّهُ غَفُورًا رَّحِيمًا﴾

«Эй Пайғамбар, жуфтларингга, қизларингга ва мўминларнинг аёлларига айт: жилбобларини (узун рўмолларини ёки бутун баданларини ёнадиган кенг кийимларини) ўзларига яқин қилсинлар. Ана ўша уларнинг (ким эканликлари) танилиб, озорга учрамасликлари учун энг яқин (услубдир). Аллоҳ ўта мағфиратли ва раҳмли зотдир» (Аҳзоб сураси, 59-оят).

Юқоридаги ояти каримани чукурроқ тушиниш учун унинг шаъни нузулини (нозил бўлганлик сабабини) кўриб чиқиш лозим. Ушбу оят учун икки шаъни нузул айтилган.

Биринчи шаъни нузул; Али ибн Иброҳимнинг тафсирида шундай баён қилинган: Ўша кунларда (Исломнинг илк чоғларида) муслима аёллар масжидга борар ва Расулуллоҳ (*саллаллоҳу алайҳи ва олиҳи васаллам*)нинг орқаларида намоз ўқир эдилар. Оқшом пайти улар мағриб (шом) ва ишо (хуфтон) намозини ўқиши учун масжидга бораётганларида, кўчада санқиб юрган айрим дайди йигитлар ножӯя сўзлар билан аёлларга гап отиб, уларга озор берардилар. Юқоридаги ояти карима нозил бўлиб, муслима аёлларга ҳижоб ва ўраниш вожиб эканлиги уқтирилди. Токи, улар чўри аёллардан яхшироқ танилиб, ҳеч ким уларга озор етказа олмасин.

Ўша тафсир китобида ояти кариманинг иккинчи шаъни нузули борасида шундай айтилган: Мадинаи Мунавварада бўлган бир гурӯҳ мунофиқлар сарвари олам Мұхаммад Мустафо (*саллаллоҳу алайҳи ва олиҳи васаллам*)

айрим ғазавот (уруш)ларга борганларида, ул зот ҳақларида турли уйдирмаларни халқ орасида тарқатардилар. Баъзида: Пайғамбар ўлдирилдилар, деб айттардилар ва баъзан эса: Ул ҳазрат асир тушдилар, деб миш-миш тарқатардилар. Жангга боришга кучи етмай, Мадинада қолган мусулмонлар бу хабарларни эшитиб, қаттиқ ранжирилар. Сўнгра Пайғамбар Мадинаға қайтиб келгандарида, мусулмонлар ул зотга бу ҳақда шикоят қиласидилар. Шунда ушбу ояти карима нозил бўлиб, уйдирма гапларни тарқатувчиларни таҳдид этади.

Нур сурасининг олдинги оятларида Расулуллоҳ *(саллаҳоҳу алайҳи ва олиҳи вассаллам)* ва мўминларга озор бериш тақиқланганлигининг давоми ўлароқ, ушбу оядда ҳам озор беришнинг яна бир мавридига ишора этилиб, унинг олдини олиш учун икки услугуб қўлланилади.

1. Ушбу оядда мўмина-муслима аёлларга фасод-бузғунлик қилмоқчи бўлганлардан ҳар қандай узр-баҳонани олиб қўйиш буюрилади.

2. Сўнгра эса ўта кескин кайфиятда уйдирма гапларни тарқатувчи мунофиқлар таҳдид остига олинадилар.

Шунга биноан, Аллоҳ таоло ушбу ояти каримада Ўз Пайғамбарига шундай буюради: «*Эй Пайғамбар, жуфтларингга, қизларингга ва мўминларнинг аёлларига айт: жилбобларини (узун рўмолларини ёки бутун баданларини ёнадиган кенг кийимларини) ўзларига яқин қилсинлар. Ана ўша уларнинг танилмоқлари ва озорга учрамасликлари учун яқинроқдир*».

Танилмоқларидан нима назарда тутилгани борасида икки назар тафсирчи олимлар орасида мавжуд бўлиб, бу иккала назар бир-бирига зид Эмас.

1. Ўша замонда чўрилар бош ва бўйинларини беркитмай, очиқ ҳолда ташқарига чиқишилари оддий ҳол бўлган ва улар ахлоқий жиҳатдан яхши вазиятда бўлмаганликлари учун гоҳида айрим дайди йигитлар уларга тўқинардилар. Шунга биноан, ҳур ва озод аёлларга ўзларини номахрам эркаклардан ёпишлари вожиб қилинди. Токи, улар чўри аёллардан танилиб, бунинг натижасида халақит берувчилар томонидан озорга учрамасинлар.

Маълумки, бу сўзнинг маъноси санқиб юрувчи дайди йигитлар чўри аёлларга озор етказишга ҳақлари бор дегани эмас, балки бузғунчилар узр-баҳоналар келтириб ножӯя хатти-ҳаракатлар қилишларининг олдини олиш назарда тутилган.

Бу ерда яна бир ингичка масалага диққат қилиш лозим. Ҳижоб ва ўранишнинг фарзлиги нафақат ҳур ва озод аёлларга, балки чўри аёлларга ҳам тааллуқлидир. Аммо Исломнинг илк даврида жангларда асир тушган ёки сотиб олинган чўри аёллар кўпинча мусулмон бўлмаганлари сабаб ушбу ҳижоб ҳукми ҳур ва озод аёлларга қаратса баён қилинган. Акс ҳолда мазкур ҳукм барча муслима аёлларга, хоҳ ҳур ва озод бўлсин ёки чўри бўлсин тааллуқлидир.

2. Мўмина-муслима аёлларнинг танилмасликларидан мурод улар ўзларининг чиройли бадан ва зийнатларини номаҳрам эркаклардан беркитишида эътиборсиз ва бепарво бўлмай, Аллоҳ таолонинг мусулмон аёлларга ҳижоб ва ўраниш вожиб эканлиги ҳақидаги ҳукмига амал қилмоқлари зарур. Акс ҳолда кўча ва хиёбонда юрган айрим ҳавасбоз эркакларнинг диққатини ўзларига жалб этиб, жамиятда зино ва бузғунликлар юз беришига сабабчи бўладилар.

Юқоридаги ояти каримада келган «жилбоб» сўзидан нима маъно назарда тутилгани ҳақида муфассирлар ва луғатшунослар томонидан бир неча назар билдирилган:

1. Малҳафа: Рўмолдан узунроқ кийим бўлиб, у билан аёллар бош, бўйин ва кўксиларини ёпадилар. Ушбу маънони луғатшунос олим Ибн Асир ўзининг Ан-Нихоя китобида жалб ўзагининг изоҳида келтирган.

2. Айримлар жилбобни айнан рўмол деб билганлар. Бу ҳақда Шайх Тусий Ат-Тибён китобида Ибн Аббос ва Мужоҳиддан шундай нақл қиласи: Жилбоб аёллар уйдан чиқаётганда, пешана ва бошларини боғлайдиган рўмол демакдир.⁵

3. Бутун баданни қамраб оладиган кенг кўйлак. Тафсирчи олим Қуртубий бу ҳақда ёзади: Жалобиб сўзи жилбобнинг қўплиги бўлиб, рўмолдан анча каттароқ ва бутун баданни тўсадиган кийимдир.⁶ Шунингдек, Мухаммад Гавс жилбобдан мурод аёл кишининг бутун

5. Шайх Тусий, Ат-Тибён тафсири, 8- жилд, 327- бет.

6. Қуртубий, Ал-Жомеъ лиаҳкомил Қуръон тафсири, Аҳзоб сурасининг 59- ояти тафсирида.

баданини беркитадиган кийим эканлигини айтади.⁷ Буюк муфассир аллома Таботабоий ҳам бу ҳақда ёзади: Жалобийб сўзи жилбобнинг қўплиги бўлиб, аёл киши уни устига ташлайди ва унинг бутун танасини ёпади.⁸

Агарчи жилбоб сўзи борасида айтилган маънолар хилма-хил бўлса-да, лекин уларнинг ҳаммаси танани беркитадиган кийим эканлигига ишора этадилар.

Аммо жилбоб сўзи тўғрисида айтилган маънолар орасидан «бутун бадани тўсадиган устки кийим» деган тушунча бошқа маънолардан кўра, тўғрироқдир. Зоро, يىنин буйрги «яқин қиласинлар» маъносида бўлиб, ушбу ояти каримада аёллар жилбобларининг икки тарафини бир-бирига яқин қилишга буюрилганлар. Токи, бутун чирой ва зийнатлари номаҳрамлар нигоҳидан беркитилсин. Демак, жилбоб тўнга ўхшаш бўлиб, аёлларнинг бутун танасини беркитадиган бир кийимдир.

Айримлар ушбу ояти каримадан фойдаланиб аёллар юзларини ҳам ёпишлари зарур эканлигини айтганлар, бироқ мазкур оят бу маънони англатмайди ва жуда оз муфассирлар юзни ҳам беркитишни оятнинг маъносидир деб тушунганлар.

Демак, ушбу ояти каримадан маълум бўладики, ҳижоб ва ўраниш ҳукми ҳур ва озод аёллар учун бу оятдан олдин ҳам нозил бўлган, бироқ айрим мусулмон аёллар соддалик юзасидан ҳижоб ҳукмига енгил қараб, унга риоя этмаганликлари учун ушбу ояти карима ҳижоб ва ўранишга нисбатан аҳамиятли бўлишга чақириб, ушбу ҳукмни таъкидлаган.

Ушбу ҳукм нозил бўлганлиги кўпгина мўмина аёлларни ўтмишларига нисбатан безовталантиргани боис, оятнинг якунида шундай қўшимча қилинади: «*Аллоҳ ўта мағфиратли ва раҳмли зотдир*».

Бунинг изоҳи шуки, сиз мўмина-муслима аёллар ҳижоб ва ўраниш ҳукмига амал қилишда сустлик қилишингиз нодонлик ва билмаслик юзасидан бўлгани учун Аллоҳ таоло сизларни кечиради. Шу боис, тавба қилиб Унинг томон қайтинг, иффат ва ҳижобга оид вазифангизни тўқис бажаринг.

7. Муҳаммад Ғавс, Насрул маржон тафсири, эски чоп, 5- жилд, 435- бет.

8. Аллома Таботабоий, Ал-Мийзон фий тафсийрил Қуръон, 16- жилд, 339- бет.

Бинобарин, ҳижоб ва ўранишга оид бўлган оятлардан қуидаги хulosага келамиз;

Мўмина-муслима аёлларнинг шарафини сақлаш учун Аллоҳ таоло уларга ҳижоб кийиб ўранишни буюрган. Демак, улар Тангри таолонинг амрига итоат этиб, авратларини номаҳрам эркаклардан беркитмоқлари лозим. Улар бошларига ўраган рўмоллари фақат соchlарини эмас, балки бўйинлари, қўксилари ва кўқракларини ҳам тўсиб туриши шарт. Токи, уларнинг жамоли бегона кўзларга мўлжал бўлиб, турли фитналар келтириб чиқармасин. Бунинг учун эса, юз ва икки кафтларидан ташқари бутун таналарини тўсиб турадиган кийим киймоқлари лозим. Зеро, аёл кишининг номаҳрам эркакларга нисбатан аврати юзи ва икки кафтидан бошқа бутун баданидир. Бундан ташқари, аёлларнинг кийими ўта нозик, баданга ёпишган ва тор бўлмаслиги ҳам зарур.

Шунингдек, мусулмон аёллар ҳижоб ҳақидаги оятларга амал қилиб, ички ва яширин зийнатларини ҳам номаҳрамлардан беркитмоқлари зарур. Ички зийнат деганда чиройли кийимлар, тақинчоқлар ва аёллар ўзларини чиройли кўрсатиш учун ишлатадиган турли воситалар кўзда тутилади. Айтилганларга риоя қилинган тақдирдагина Аллоҳ таоло Қуръонда буюрган ҳижоб ва ўраниш ҳисобланиб, номаҳрам эркакларнинг эътиборини жалб қилмайдиган бўлади.

Ҳижоб кийишининг сабаб ва ҳикматлари

Шак-шубҳасиз, айримлар биз яшаётган даврни жинсий озодлик ва яланғочлик асли деб номлаган ҳамда Ғарб маданиятига тобе бўлган шахслар хотин-қизларнинг очиқ-сочиқ юришларини озодликнинг бир тури деб билганлар. Бундайларнинг фикрича, ҳижоб ва ўраниш борасида сўз юритиш ноўрин бўлиб, бу ҳолат ўтган замонларга тааллуқлидек кўринади. Бироқ эндиға келиб ушбу қайд-шартсиз очиқ-сочиқликдан юзага келган бузғунлик ва муаммолар сабабли ҳижоб кийиш хусусидаги суҳбатларни тинглайдиганлар сони кўпаймоқда.

Бу ўринда дикқатга сазовор масала шуки, жинсий алоқадан ташқари кўриш, эшитиш ва тегиш йўллари билан аёллардан фойдаланиш ҳамма эркакларга мумкин бўлиши керакми? Ёки бундай фойдаланишларнинг барчаси уларнинг эрларига хосми? Бошқа таъбир билан айтганда, аёллар баданларини ҳаммага кўрсатиб, эркакларнинг нопок ҳою ҳаваслари-ю,

уларнинг шаҳватларини қўзғаш бўйича бепоён мусобақа ва кимўзар ишига киришиб кетишлари керакми? Ёки бу ҳолат жамият муҳитидан буткул четга сурилиб, эр-хотинлик муносабатига чекланиб қолиши керакми?!

Ислом дини иккинчи ҳолатни, аёллар ўзларини ва бутун чиройларини фақат эрларига қўрсатишлари кераклигини ва ўзларини жамиятга чиққанда, ёпиб юришлари зарурлигини қабул қилгани учун ҳижоб кийишни мусулмон аёлларига фарз қилган. Ҳолбуки, ҳою ҳавасга берилган гарбликлар ва Ғарбга тобе бўлганлар биринчи ҳолатни қабул қилиб, аёлларнинг хилма-хил ва яrim яланғоч ҳолатда ҳамманинг қўз олдида намоён бўлишларини хоҳлайдилар. Ислом таълимотига кўра, барча турдаги лаззатланишлар, хоҳ қўз билан кўриш, қулоқ билан эшитиш ва қўл билан тегиш бўлсин ёки жинсий алоқа бўлсин, эрларга хос бўлиб, бундан бошқача бўлган тақдирда гуноҳ ҳисобланади ва жамиятнинг булғанишига олиб келади. Ҳижоб хусусидаги ояти кариманинг ушбу жумласида айтганимизга ёрқин ишора қилинган:

«Ana шу (нигоҳни тийиши) улар учун покроқдир».

1. Демак, ҳижоб кийишнинг биринчи ҳикмати инсонлар нафсининг поклигини муҳофаза этиш бўлиб, ушбу ҳикмат эркаклардан нигоҳларини тийишлиари ва аёллардан эса баданларини ёпишларини тақозо этади ва бу эса инсон рухи ва жисмининг покиза бўлишига олиб келади. Зоро, аёлларнинг очиқ-сочиқ юриши безаниш ва нозу карашма билан бирга бўлгани сабаб эркаклар, айниқса ўспирин йигитларни доим қўзғалиш ҳолатида қўяди ва бундай ҳолат эса уларнинг асаблари бузилишига, асабий ҳаяжонланишларининг юзага келишига ва баъзан рухий хасталикларга олиб келади. Инсоннинг асаб тизмаси қанчалик ҳаяжон босимиға бардош бера олади, деб ўйлайсиз. Ҳамма психолог шифокорлар: доимий равища давом этувчи ҳаяжон bemor бўлишга сабаб бўлади, деб айтганлар.

Хусусан, инсондаги жинсий хоҳиш-истак энг кучли ва негизли ғариза (инстинкт) бўлганини, ушбу жинсий мойиллик тарих бўйлаб қонли тўқнашувлар ва хавфли жиноятларга олиб келганини ва барча муҳим ҳодиса-воқеаларда аёлларнинг роли ва таъсири бўлганини назарга олсак, хотин-қизларнинг очиқ-сочиқ ва яrim яланғоч ҳолда кўча-кўйда юришлари йигитлардаги жинсий ғариза (инстинкт)ни қўзғаб, унинг алангаланишига ва бунинг натижасида фожиали дардга олиб келиши айни ҳақиқат!! Бундай ишни қандайига тўғри деб баҳолаш мумкин?!

Ислом дини мусулмон эркак ва аёлларнинг ором ҳолдаги рухиятга, соғлом асабга ҳамда пок кўз ва қулоққа эга бўлишларини хоҳлайди ва бу эса ҳижоб кийишнинг ҳикматларидан биридир.

2. Аниқ ва ҳужжатли қўрсаткичларнинг маълум қилишича, дунёда яrim яланғочлик қўпайиши билан ажрашиш ва оилаларнинг бузилиши кун сайин ортиб бормоқда. Негаки, кўз кўрган нарсасини эсда сақлаб, ўжар ҳою ҳаваслар эса қай йўл билан бўлса ҳам ўша нарсанинг ортидан боради. Шу тартибда ҳар бир аёлни кўриши билан унга юрак боғлайди ва бошқасини кўрганда, олдингисини унутиб янгисига кўнгил қўяди. Аммо аёллар ҳижоб кийган муҳитда юқорида айтилган муаммолар юзага келмай, эр-хотин бир-бирларига боғлиқлик ва самимиyлик ҳис этадилар. Бироқ яrim яланғочлик шароитида аёлларнинг жинсий жозибадорлигидан ёвуз мақсадларда фойдаланиб уларни тарғибот воситасига айлантиришади. Бундай ҳолда аёлларнинг инсонийлик ўрни ва шарафи савол остида қолиб, Исломда муқаддас бўлган оила тузими ва эр-хотинлик алоқаси маъносиз бўлиб қолади. Шунда оилалар ўргимчакнинг уяси сингари тезда бузилиб кетади, гўдаклар ва ёш болалар қаровчисиз қолишади.

Шунга биноан, Исломда аёлларга ҳижоб кийиш фарз қилинганлигининг асосий сабабларидан бири уларнинг инсоний ўринларини сақлаш ва жамиятдаги мартабаларини юксалтиришdir. Зеро, аёл киши нафосат ва гўзаллиги билан аёл бўлишидан ташқари бир инсон бўлгани боис, унинг инсоний қадр-қиммати сақланиб қолиши лозим. Агар аёл киши чирой ва нафосати билан эракакларнинг кўз олдида намоён бўлсалар, уларни кўрган эркаклар бу аёллар эркак кишининг лаззатланиши учун яралган бир нарсадир деган фикрга борадилар. Бу ҳолда аёл кишининг илмий, ҳунарий истеъоди каби инсоний хусусиятлари унинг жилваланиши остида йўққа чиқади. Шунда эркаклар уни шахсиятсиз бир кимса ўрнида кўриб, эракакларнинг жинсий эҳтиёжини қондирадиган ва тарғибот воситаси (масалан, иқтисодий мақсадларни амалга ошириш учун турли молларни тарғибот қилишда, кутиш залларининг жозибасини оширишда ва сайёҳларнинг назарини жалб этишда аёлларнинг жинсий жозибасидан фойдаланиш) сифатида кўлланадиган бир нарса деб унга қарайдилар. Бу эса аёллар учун улкан фожиадир.⁹

9. Жаводий Омулий, Абдуллоҳ, «Аёл жамол ва жалол кўзгусида», 38-бет, Исрo нашриёти.

3. Аёллар ҳижоб кийишининг ҳикматларидан бири уларнинг сиёсий, ижтимоий ва маданий тармоқларда фаол иштирок этишлари учун замин ва шароит яратишидир. Аёллар жамиятнинг яримини ташкил этувчи инсонлар сифатида ўзларидаги истеъдод, қобилият ва бунёдкорлик кучини ишга солиб, сиёсий, ижтимоий ва маданий тармоқларда фаолият кўрсатишга ҳақлидирлар. Бунинг учун эса аёллар ўзларининг аёлликка хос бўлган нафосат ва чиройларини ҳижоб кийиб ўраниш билан беркитмоқлари лозимдир. Токи, уларнинг аёллик жинсига хос хусусиятлари ҳижоб остида беркиниб, касб этган ихтисос ва илм-фанда оширган малакалари асосида жамиятнинг турли тармоқларида фаолият кўрсата олсинлар. Бошқа таъбир билан айтганда, аёллар ҳижоб кийиш билан ўзларининг жинсий жозибаларини яширсалар, бунинг ўрнига фикр, зукколик, ташаббускорлик, бунёдкорлик ва илмий қобилият каби уларнинг инсоний хусусиятлари юзага чиқади. Демак, аёлларнинг сиёсий, ижтимоий ва маданий соҳаларда фаол иштирок этишлари учун ҳижоб кийиб нафосат ва чиройларини беркитишлари ва эркаклар билан аралashiб кетишдан сақланишлари керак бўлади.

Тарбия соҳаси олимларининг амалга оширган илмий тадқиқотига кўра, қиз ва ўғилларнинг аралаш ҳолда дарс ўқийдиган мактабларда ва эркагу аёллар биргаликда ишлайдиган жойларда ахлоқий бузғунлик, ялқовлик, қолоқлик ва масъулиятызлик ошкора кузатилган.

Бу борада пайғамбаримиз Мұхаммад Мустафо *(саллаху алаїҳи ва олиху вассаллам)* шундай марҳамат қилганлар:

«باعدو بين أنفاس الرجال والنساء فإنه إذا كانت المعاينة واللقاء كان الداء الذى لا دواء به»

«Эркаклар ва аёлларнинг ўртасини ажратинг. Зоро, агар улар ўртасида юзма-юз кўришиши ва учрашиши бўлса, жамият давоси бўлмаган дардга учрагай.»¹⁰

4. Аёлларга ҳижоб кийиш вожиб қилинганининг ҳикматларидан бири эркаклар ва аёллар ўртасидаги табиий жозибани мувозанатга келтиришидир. Яратилиш қонунига асосан эркак ва аёл ўртасида табиий жозиба мавжуд бўлиб, ушбу жозиба бу иккала жинснинг оила қуриб баҳт-

10. Ал-Ажалоний, Ислом бин Мұхаммад, «Кашфул хифаа ва музийлул албаас», 3-жилд, 304-бет, Байрут, Дорул кутубия илмийя нашриёти, иккинчи нашр, 1408-ҳижрий қамарий йили.

саодатли яшашлари учун зарурдир. Аммо бу табиий жозибанинг меҳвари (барча нарсалар унинг атрофида ҳаракатланувчи бир ўқ, ўзак) аёл киши бўлиб, ояти карималарда эркак ва аёл ўртасидаги осойишталикни сақлашда аёл киши биринчи ўринда кўрилган.

Психологияда қўлга киритилган маълумотларга кўра, аёл табиий жозибанинг жилvasи бўлиб, эркак кишини ўз тарафига тортади. Эркакни тузоққа илинтирадиган нарса унинг нигоҳи ва қараши бўлгани учун Нур сурасида дастлаб эркакларга нигоҳларини тийишлари буюрилган ва кейин эса аёлларга нигоҳларини тийишлари ҳамда нафосат ва чиройларини ҳижоб кийиб ўраниш билан яширишга буюрилган. Токи, эркаклар ва аёллар ўртасидаги табиий жозиба мувозанатга келтирилиб, ҳаддан ошиш ва ахлоқий бузуқликларнинг олди олинсин.

Шунинг учун, аёлларнинг ҳижоб кийиб ўраниши ушбу табиий жозибанинг мувозанатга келишига сабаб бўлади ва бу илоҳий неъматнинг ўз йўлида қарор топишига олиб келади. Бошқа таъбир билан айтганда, аёл кишининг ўзини безаш ва гўзалликни ёқтириш ҳиссиёти, унинг ташки чирой ва нафосати ва табиий жозибаси фақатгина ўзининг умр йўлдошига чекланиб қолиши зарур. Зеро, аёлларнинг мазкур хусусиятлари инсонлар орасида ошкор этилганда фиск-фасод тарқатувчи бўлса, ўз оиласига чекланганда эса ижобий таъсир кўрсатади ва оила пойдеворининг мустаҳкамланишига сабаб бўлади.¹¹

5. Аёлларга ҳижоб кийишнинг яна бир сабабларидан бири жамиятнинг руҳий саломатлигини таъминлашdir. Жамият уч унсурдан ташкил топган; 1. Инсонлар, 2. Ижтимоий тузум, 3. Бу иккаласининг ўртасидаги алоқалардир. Учинчи унсурдан иборат инсонлар ўртасидаги алоқалар жамиятнинг энг муҳим масалаларидан саналади. Инсонлар икки гуруҳдан; мувофиқ жинслар ва мухолиф жинслардан ташкил топган бўлиб, ҳар бир гуруҳдаги жинс ўзига хос хусусиятларга эгадир. Эркаклар билан эркаклар ва аёллар билан аёллар ўртасидаги алоқа осонроқ қонун-қоидаларга бўйин сунади. Зероки, мувофиқ жинслар ўртасидаги алоқаларда хатар озроқ бўлади. Аммо мухолиф жинслар ўртасидаги алоқалар эса мураккаброқ шаклда бўлади. Шунга биноан, иккинчи турдаги алоқалар учун маҳсус қонун-қоидалар қабул қилинган, токи ушбу алоқалардаги хавф-хатарлар миқдори озайсин.

11. Тайиби, Ноҳид, Иффатлиликтининг хушбўйлиги, 155 ва 156-бетлар, Жомиат Аз-Захро нашриёти, биринчи нашр.

Аёлларнинг хижоб кийиб ўраниши бутун алоқалар тизимида жамиятнинг руҳан соғломлигини кафолатлади. Шунга биноан, шахс ва жамиятнинг руҳий осойишталигини таъминлаш учун Аллоҳ таоло томонидан чиқарилган қонун-қоидаларга бўйин сунмоқ лозим. Шубҳасиз, жамиятда фисқ-фасод ва бузуқликнинг кен ёйилиши ва никоҳсиз болалар сонининг қўпайиши ҳам ҳижобсиз ҳолда очик-сочиқ юришнинг энг дардли оқибатлариданdir. Ушбу икки омил, яъни фисқ-фасод ва никоҳсиз болалар жамиятда содир этиладиган турли жиноятларнинг негизи эканлигини назарга олсак, ҳижоб кийишининг жамиятда нақадар улкан ахамиятга эга экани маълум бўлади.

Бунга мисол ўлароқ, Англияда ҳар йили кўрсатиладиган кўрсатгичга кўра, беш юз минг никоҳсиз бола туғилади. Англия олимлари бу борада давлат ходимларига хатар эълон қилганлар, бу эса ахлоқий ва диний нуқтаи назардан эмас, балки нопок болалар жамиятнинг хавфсизлигига туғдирган хатарлар учун ҳамда кўплаб жиноий ишларда бундай болаларнинг қўли борлиги сабабли бўлган. Бундан маълум бўладики, ҳатто дин ва унинг кўрсатмаларига ишонмайдиганлар учун ҳам фасод ва бузғунликнинг жамиятда тарқалиши фожиали ҳолат ҳисобланади. Айтилганларга биноан, жамиятда жинсий бузуқликни кенг ёядиган ҳар қандай омил жамият хавфсизлигига таҳдид саналади ва унинг оқибати қандай бўлганда ҳам заарлидир. Бундай ёмон оқибатларнинг олдини олиш учун бутун борлиқни яратган ҳикматли зот бўлмиш Аллоҳ таоло тарафидан ҳижоб кийиш аёлларга фарз қилинган.

Ҳижоб кийишининг аҳамияти ва зарурлиги

Кийишига бўлган мойиллик инсон табиатининг ажралмас бир бўлаги ҳисобланиб, Одам ато (*алаїхис салом*) ва Момо Ҳаво яратилишининг тарихига бориб тақалади. Инсон яратилиши биланоқ шарм-ҳаё ҳиссиёти асосида кийишига нисбатан эҳтиёж ҳис этиб имкон қадар ўзини бекитиб кийишига одатланган. Инсон табиатида хавф-хатардан ўзини ҳимоя қилиш ҳамда нафсини тийиш орқали бошқаларга йўл-йўриқ кўрсатишни ўзида ҳаё билан мужассам этган.

Одам ато ва Момо Ҳаво ҳақида Қуръони Каримнинг муборак Аъроф сурасининг 22-оятида айтилишича, Шайтон ёлғон ҳамда иғво билан уларни ўз мавқеларидан пастга туширди. Одам ато ва Момо Ҳаво Шайтоннинг иғвосига тушиб тақиқланган дараҳт мевасидан татиб

кўришди ва натижада уларнинг авратлари очилиб бир-бирларига очик таналари кўринди. Шунда улар жаннат япроқларидан ўзларининг авратларини бекитишга шошилишди.

Одам ато ва Момо Ҳавонинг ушбу ҳаракатлари шуни кўрсатадики, демак, инсонда шарм-ҳаё ҳиссиёти ва ўзининг танасини кийим билан ёпиш инсоннинг асл табиий фитратидандир.

Мутафаккирлар ва руҳшуносларнинг билдирган фикрларига кўра, аёл ўзининг туғма илҳоми билан ўзининг ўрни ва мавқенини ҳимоя қилиш учун ҳаракат қиласи ҳамда бегона эркаклардан ўзини узокроқ тутади. Ва шунингдек, аёлнинг ўзига хос табиий хусусиятларидан яна бири унинг уятчанлиги ва ҳаёли бўлишидир. Шак-шубҳасиз, аёл бегона эркаклар олдида ўз ўрни ва мавқенини билса, ўзини иффатли, покиза ва викорли тутса ҳамда ўзининг танаси ва баданини кўча-кўйдаги ёт-бегоналарга кўз-кўз қилиб намойиш этмаса, ана ўшанда аёл кишининг ҳурмати шударажада ошадики, жамиятда унга нисбатан юксак эҳтиром ва иззат шакилланади.

Аллоҳ таоло Қуръони Каримнинг муборак Аҳзоб сурасининг 59-оятида:

﴿يَا أَيُّهَا النَّبِيُّ قُلْ لَا إِرَأْجَكَ وَبَنَاتِكَ وَنَسَاءِ الْمُؤْمِنِينَ يُدْنِينَ عَلَيْهِنَّ ذَلِكَ أَدْنَى أَنْ يُعْرَفْ فَلَا يُؤْدِينَ ﴾ وَكَانَ اللَّهُ غَفُورًا رَّحِيمًا﴾

«Эй Пайгамбар, жуфтларингга, қизларингга ва мўминларнинг аёлларига айт: жилбобларини (узун рўмолларини ёки бутун баданларини ёпадиган кенг кийимларини) ўзларига яқин қилсинлар. Ана ўша уларнинг танилмоқлари ва озорга учрамасликлари учун яқинроқдир. Аллоҳ ўта магфиратли ва раҳмли зотдир» деб буюрган.

Ушбу оядда Аллоҳ таоло пайғамбаримиз Муҳаммад Расулуллоҳ (саллааллоҳу алайҳи ва олиҳи вассаллам)га дастлаб ўз жуфтлари ва қизларига жилбобларини ўзларига яқинлаштиришни буюришга амр этмоқда.

Жилбоб бу – узун рўмол ёки бутун бадани ёпадиган устдан кийиладиган кенг либосдир. Мўмина аёлни бошқа аёллардан ажратиб турадиган бу кийим турли мусулмон ўлкаларда турлича бўлган. Лекин

ҳаммаси ҳам мўмина аёлни ёмон кўзлардан сақлаш, унинг жамиятдаги ҳурмат-иззатини қўриқлаш каби вазифаларни адо этиб келмоқда.

Исломдан олдинги жоҳилият даврида аёллар очиқ-сочик юришар эди. Улар турли кийимлар кийиб, қўча-кўйда эркакларнинг эътиборини ўзларига тортишга ҳаракат қилишарди. Шунинг учун, фосиқ ва фожир кишилар уларнинг ортларидан тушишар, гап отишар ва турли қиликлар қилишар эди. Ўша фосиқ ва фожирларга мўмин кишилар эътиroz билдириб, Ислом дини мўмина аёлларга бундай муносабатда бўлишни ман қилганини айтганларида, улар биз буларнинг мўмина эканини билмабмиз, мўмина эмас, балки чўри бўлса керақ, деб ўйлабмиз, - дейишарди.

Пайғамбаримиз Муҳаммад Мустафо (*саллаллоҳу алайҳи ва олиҳи васаллам*) бу борада шундай марҳамат қилганлар:

«Аёл балогатга етгандан сўнг ундан юзи ва мана бу жойларидан бошқа жойи кўриниши ҳалол эмас», - деб ўз билакларини тутамлаб кўрсатдилар. Ушлаган жойлари билан кафтлари орасида яна бир тутамча жой қолди.

Пайғамбаримиз Муҳаммад Мустафо (*саллаллоҳу алайҳи ва олиҳи васаллам*) аёлларни мўътадил ва ўрта-миёна ҳолда зийнатланиб юришга рухsat берганлар. Аммо шу билан бирга, зебу-зийнатга хаддан ортиқ берилиб кетиб, шариатга хилоф иш қилишдан қаттиқ қайтарганлар.

Шундай қилиб, Исломда гўзалликдан завқланиш ва баҳра олишнинг ҳалол ва тўғри шакли йўлга қўйилган. Аёлларнинг чиройи ва зебу-зийнатлари бегона эркакларнинг ҳирсларини қўзғаш ҳамда кўз-кўз қилиш учун эмас, балки ўзларининг жуфти ҳалолларига ҳалол завқ ва баҳра берадиган шаклда бўлмоғи зарур.

Шунингдек, Қуръони Каримда аёлларга шаҳват кўзи билан қарамаслик эркакларга ҳам айтилган:

﴿فُلَّلِمُؤْمِنِينَ يَغْضُوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ أَرْكَى لَهُمْ إِنَّ اللَّهَ خَيْرٌ بِمَا يَصْنَعُونَ ﴾٣٠﴾

«[Эй Расулимиз,] мўминларга айт, кўзларини [номаҳрам аёлларга қарашдан] тийсинлар ва авратларини [ҳаромдан] сақласинлар! Ана шу улар учун энг пок [йўл]дир. Албатта, Аллоҳ

улар нима иш қилаётганларидан хабардордир» (Ахзоб сураси, 30-оят).

Исломдаги кўрсатмаларнинг барчаси жамиятда беҳаёлик, шаҳвоний бузуқлик, фахш сўзлар, жинсий ахлоқсизликлар, зино ва фоҳишабозлик тарқалишининг олдини оладиган чоралардир. Ушбу илоҳий йўл-йўриқларга бандалар чин ихлос билан амал қилган тақдирдагина жамият мазкур ифлосликлар ва ижтимоий касалликлардан йироқ ва пок бўлади.

Хижоб кийиш ва ўраниш хусусидаги илоҳий амру фармонларни ҳақиқий мўмина аёллар Пайғамбар (с.а.о)га итоат ва Аллоҳга улкан ибодат деб билиб уни олқишлийдилар. Чунки, уларнинг қалблари илоҳий нур ила мунаvvар бўлгани сабаб, уларнинг нафслари ўз зийнатларини кўз-кўз қилишни истаса ҳам, аммо улар Аллоҳнинг фармонига сўзсиз бўйсуниб ҳижоб кийиш ва рўмол ўраш билан ифрат, ҳаё ва покдомонлик йўлини тутадилар. Жоҳилият даврида аёллар ифрат ва шарм-ҳаё билан кийиниши билмасдилар. Шу боис, улар чиройларини кўз-кўз қилишда бир-бирлари билан мусобақалашар, соч ўримларини, бўйинларини, томоқларини, қулоқларидаги тақинчоқларини кўрсатиш билан бирга, гоҳида кўксиларининг юқори қисми ҳам намоён бўлар эди.

Хижоб ҳақида ояти карима нозил бўлгандан сўнг ушбу оятни мусулмон эркаклар ўз завжаларига, қиз ва сингилларига ҳамда ҳар бир қариндошларидан бўлган аёлларга тиловат қилдилар. Ўша пайт бирорта ҳам аёл қолмай, ҳаммаси дарҳол рўмолини олиб бошини ўради.

Аёл ўзига муносиб кийиниши билан ўзига хос гўзаллик касб этади ва буни аёлларнинг ўзлари тушуниб етмоқлари лозим. Шу ерда яна бир мисолга диққатингизни қаратсак. Дунёдан кўз юмган инсоннинг азасига борган аёллар бошларига рўмол ўрашга биринчи бўлиб шошиладилар. Таъзияга кетаётган аёллар бошқаларидан рўмол сўраб туришлари ҳам шу ҳақиқатни кўрсатади. Аммо бир оз ўтиб, ўлимни келтирувчи Аллоҳ эсларидан чиққанда рўмол ҳам эсларидан чиқади.

Ҳақиқий мўмина-муслима аёлларда эса бу холат мутлақо бўлмайди. Чунки, улар Аллоҳ таолони бир лаҳза ҳам унутмайдилар. Аллоҳнинг амридан бир лаҳза ҳам четга чиқмайдилар. Ҳар бир ишни Аллоҳ таолонинг динига, яъни азиз Исломга мос ва уйғун келгандагина бажарадилар. Ана

ўша ҳолатнинг кўркамли қўриниши мўминаларнинг шариатга мувофиқ ҳолда вақорли кийинишларида намоён бўлади.

Шак-шубҳасиз, аёллар ҳар бир уммат ва миллатнинг кучини ёки заифлигини кўрсатиб турувчи аниқ белгидирлар. Улар ҳар бир уммат ва миллатнинг тараққиёти ёки қолоқлигини ўлчайдиган тўғри ўлчовдирлар.

Ҳар бир жамиятнинг аҳли солих бўлиши ундаги оилаларнинг аҳли солих бўлишига боғлиқ. Аёли йўлдан чикқан оиланинг ўзи ҳам йўлдан чиқади, иши орқага кетади. Худди шундай оиласи йўлдан чикқан жамиятнинг ўзи ҳам йўлдан чиқади ва инсоний тубанликка учраб таназзулга юз тутади.

Исломдан олдинги жоҳилият даврида аёллар оёқларига ҳам турли тақинчоқлар, қўнғироқлар тақиб олишар экан. Кейин эса улар эркакларнинг эътиборини жалб этиш учун оёқларини ерга қаттиқ-қаттиқ уриб юриб, ҳалиги тақинчоқларнинг овозини чиқаришар экан. Бу эса ўз навбатида эркакларнинг шаҳватини қўзғаган, аёлнинг ортидан тушиб хирадик қилиш ва оқибат зинога олиб бориши мумкин бўлган.

Шунинг учун аёллар махфий зийнатларини ошкор этиш мақсадида ўша зийнатларининг овозини қасдан чиқаришга ҳаракат қилишлари ҳам Исломда таъқиқланди.

Рұҳшунос олимларнинг таъкидлашларича, баъзи одамларда аёлларнинг чиройини кўриб шаҳвати қўзғимаса ҳам, улардаги зийнатларнинг овозидан ҳирслари уйғонар экан. Ҳолбуки, Қуръони Карим бу ҳақиқатни бир минг тўрт юз йил муқаддам баён қилиб бу бузуқликнинг олдини олган.

Мўмина-муслима аёлларга бегона эркакларнинг шаҳватини қўзғатиб, фитнага сабаб бўлмасликлари учун нафақат ҳирсни қўзғатувчи овоз чиқариш, балки шунга восита бўлиб қоладиган бошқа нарсалар ҳам жоиз эмаслиги Қуръони Каримда таъкидлаб айтилган. Шунинг учун ҳам мўмина-муслима аёлларнинг кўчага хушбўй атиrlардан сепиб чиқишлари ҳам Ислом динида ман этилган.

Хулоса қилиб айтадиган бўлсак, муслима аёлларнинг кийимлари дунёдаги энг гўзал, энг чиройли, энг одобли, энг яхши ва энг муҳими эса Аллоҳнинг амрига мувофиқ бўлган кийимлардир. Инсон учун бундан ҳам ортиқ шараф бўлиши мумкинми?!? Шунинг учун ҳам бундай кийимларга

Аллоҳни унугтган, Аллоҳдан кўрқмаганларгина қарши чиқадилар. Чунки, Ислом душманлари агар муслималар динларига тўлиқ амал қилсалар, Ислом уммати енгиб бўлмас кучга айланишини яхши биладилар. Бу масалани барча мусулмонлар яхши англаб етишлари ва шунга яраша ҳаракат қилишлари лозим.

Хозирги ёшларнинг одоб-ахлоқ, илму фан бобидаги муваффақиятлари кўзга кўринарли даражада. Бундан қувонамиз, фахрланамиз. Бироқ айrim ҳолларда қўча-қўйда, жамоат жойларида мусулмонларга мос келмайдиган тарзда кийиниб олган ёшларни, айниқса қизларни кўриб, кўнглимиз ранжиши ҳам бор гап.

Чуқур ва холис назар ташлагандага, кийиниш одоби миллийликка хослик, қадриятлар ва анъаналардан келиб чиқади. Зотан, азалдан мусулмон халқларида «Ҳаё ва ибонинг ташқи кўриниши бу – кийимдур», мазмунида ҳикматли сўз бор.

Қадимги устозлар ўз шогирдларини виқорли, салобатли кийинишга ундар эдилар. Чунки, бу ишда илмни ва илм аҳлини ҳурмат қилиш бор. Инсон кийим танлаётганида миллий ва диний қадриятлардан келиб чиқиб ўз танловини амалга оширгани яхши. Зеро, кийиниш маданияти инсоннинг диди ва дунёқарashi қандай эканини кўрсатади.

Аллоҳ таоло Аҳзоб сурасининг 35-оятида шундай марҳамат қилади:

إِنَّ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ وَالْقَانِتِينَ وَالْقَانِتَاتِ وَالصَّادِقِينَ وَالصَّادِقَاتِ وَالصَّابِرِينَ وَالصَّابِرَاتِ
وَالْحَاسِعِينَ وَالْحَاسِعَاتِ وَالْمُنْصَدِّقِينَ وَالْمُنْصَدِّقَاتِ وَالصَّائِمِينَ وَالصَّائِمَاتِ وَالْحَافِظِينَ فُرُوجَهُمْ وَالْحَافِظَاتِ وَالذَّاكِرِينَ اللَّهُ
كَثِيرًا وَالذَّاكِرَاتِ أَعَدَ اللَّهُ لَهُمْ مَغْفِرَةً وَأَجْرًا عَظِيمًا ﴿٣٥﴾

«Албатта, муслимлар ва муслималар, мўминлар ва мўминалар, давомли итоаткор эркаклар ва давомли итоаткор аёллар, ростгўй эркаклар ва ростгўй аёллар, сабр-қаноат қилгувчи эркаклар ва сабр-қаноат қилгувчи аёллар, тавозуъли эркаклар ва тавозуъли аёллар, хайру-садақа қилгувчи эркаклар ва хайру-садақа қилгувчи аёллар, рўза тутгувчи эркаклар ва рўза тутгувчи аёллар, авратларини [ҳаромдан] сақлагувчи эркаклар ва авратларини [ҳаромдан] сақлагувчи аёллар, Аллоҳни кўп зикр қилгувчи эркаклар

ва [Аллоҳни кўп] зикр қилгувчи аёллар – ўшаларга Аллоҳ мағфиратни ва үлуг ажрни тайёрлаб қўйгандир»

Албатта, ўз ўрнида шуни ҳам айтиш лозимки, кийим-кечакнинг озода бўлиши ва ярашиб туриши ҳам жуда муҳим ҳисобланади.

Энг аввал кийим билан авратли аъзолар ёпилади. Ёзниг иссиқ, чангтўзонли кунларида, қишининг қаҳратон совуқларию, қор-ёмғирли ва изғирин тўфонли паллаларида инсоннинг нозик бадани либос билан ҳимоя қилинади. Бундан ташқари, кийим инсоннинг кайфиятини, руҳиятини ҳамда ички олами ва маънавиятини, қолаверса қай даражада тарбияли эканини белгилаб беради.

Сиз азизларни Расулуллоҳ (саллаху алайхи ва олиху васаллам)нинг ушбу ҳадисларига қулоқ тутишга чақирамиз:

«Хотин киши беш вақт намозини ўқиса, Рамазон ойининг рўзасини тұтса ҳамда покдомонлик йўлини түтиб эрига итоаткор бўлса, унга: «жаннатнинг хоҳлаган дарвозасидан кир», - дейилади»

Аллоҳ таоло яратган ҳар бир миллат ва элатнинг ўзига хос урфодатлари ва анъаналари бор. Бу нарса илохий ҳикмат асосида жорий этилган. Хужурот сурасининг 13-оятида бу ҳақда шундай дейилади:

يَا أَيُّهَا النَّاسُ إِنَّا خَلَقْنَاكُم مِّنْ دَرْجَاتٍ وَأَنَّسَنَاكُمْ شَعْوَرًا وَقَبَائِلٍ لِتَعَارِفُوا إِنَّ أَكْرَمَكُمْ إِنَّ اللَّهِ أَتَقْأَكُمْ إِنَّ اللَّهَ عَلِيمٌ
﴿١٣﴾

«Эй одамлар, дарҳақиқат, Биз сизларни бир эркак ва бир аёлдан яратдик ва бир-бирларингизни танишиларингиз учун сизларни турли-туман ҳалқлар ва қабила-элатлар қилиб қўйдик. Албатта, Аллоҳнинг ҳузурида энг азизу мукаррамингиз энг тақвадорингиздир. Албатта, Аллоҳ билувчи ва хабардор Зотдир».

Демак, дунё ҳалқларининг асли ва келиб чиқиши бир, яъни ҳаммалари Одам Ато ва Момо Ҳавонинг фарзандлари бўлишларига қарамай, ижтимоий ҳаёт тақозосига кўра, улар турли миллат ва элатларга бўлинганлар. Ва уларнинг бир-бирларидан фарқли равишда турли-туман

удум ва анъаналар билан ҳаёт кечиришлари эса азалдан Яратганинг иродаси ва илму ҳикмати тақозо этган ҳақиқат экан. Юқоридаги ояти каримада инсонларнинг турли халқ ва миллат-элатларга бўлинишининг сабаби эса ўзаро танишиш, маърифат ҳосил қилиш эканлиги уқтирилган. Рум сурасининг 22-оятида ушбу мазмун янада аникроқ баён этилган:

وَمِنْ آيَاتِهِ خَلْقُ السَّمَاوَاتِ وَالْأَرْضِ وَخِلَافُ أَسْبَاتِكُمْ وَأَلْوَانِكُمْ إِنَّ فِي ذَلِكَ لَآيَاتٍ لِّلْعَالَمِينَ ﴿٢٢﴾

«Унинг [Аллоҳнинг] белгиларидан яна бири – осмонлар ва Ерни яратиши ва сизларнинг тилларингиз ва рангларингизнинг хилмачиллигиdir. Албатта, бунда барча оламлар учун белги-нишоналар бор».

Демак, ҳар бир халқ, миллат ва элатнинг ўзига хос урф-одатлари ва анъаналарига кўра, турли кўринишга эга кийимлари бўлади. Бу кийимларнинг барчаси одамларнинг нечоғлик маданият ва маърифат соҳиби эканидан дарак беради. Шу боис, покиза, айниқса янги лиbosлар киши кайфиятини қўтариш билан кучига куч, қалбига жўшқинлик бағишлиди; табиатини очиб, кўнглини ёриштиради, ишларини ҳиммат ва ғайрат билан бажаришига боис бўлади. Худди шунингдек, нопок, ифлос кийимлар, аксинча, инсон кайфиятини туширади, куч-ғайратини кеткизади, кўнгилини тушкунликка солиб, табиатини хиралаштиради.

Хуллас, лиbosлар кўнгил тубидаги гўзал ва пок ниятларни ҳамда орзуларни ифодалаши керак. Пайғамбаримиз Расули Ақрам (*саллаalloҳу алайҳи ва олиҳи вассаллам*) янги лиbos кийсалар ёки кийимларини алмаштирсалар:

«Эй Раббим, бу лиbosлар билан менинг кўринишишни чиройли қилдинг! Ўзингга ҳамд-санолар бўлсин! Энди хулқу одобимни ҳам, амалларимни ҳам ана шундай гўзал ва ёқимли қилгин!», - деб дуо қилар эдилар. Шунга кўра, ушбу дуоларни ўқиш ва эслаб юриш суннат амаллардан ҳисобланади. Демак, бу ғоят савобли ишлардандир.

Бинобарин, инсон кийиб юрган лиbosи билан ўзининг ким ва тарбияси нечоғли экани, ўзининг таъби, диди ва табиати ҳамда бошқа кўз илғамас жихатларига ишора қилишни уқтиради. Ваҳоланки, ҳозирги кунда айримлар тасаввур қилаётганидек, зинхор қимматбаҳо, дабдабали,

ҳашаматли, ялтир-юлтириш ва ҳоказо кийимларни кийиш кишининг ақлли, фаросатли ва маданиятли эканини билдиримайди.

Юқоридаги сўзларимиздан келиб чиқиб шуни айтишимиз керакки, Аллоҳ таоло Ислом аҳлидан бўлган аёллар учун юксаклик ва улуғворликни хоҳлаб уларга ҳижоб ўрашни бујурган. Шу боис, ҳижоб кийиш мусулмон аёл учун мashaққат эмас, шараф бўлиши керак. Чунки, у бу иши билан оламлар Парвардигорига бўйсуниши билан бирга, ўзидағи юқори фаросат, маърифат ва маданиятни намоён қилган бўлади. Ва шунингдек ҳижоб кийиш муслималар учун чиройли зийнат бўлибгина қолмай, уларнинг комил иймонли, хушхулқли, одобли, иффатли ҳамда хаёли эканликларидан далолат ҳамдир.

Бу ерда муслима аёлларимизга мурожаатимиз шуки, улар ҳижобга эътиборсизлик қилишдан ва унга салбий муносабатда бўлишдан эҳтиёт бўлсинлар! Зероки, қайси бир инсон Аллоҳнинг ғазаби ва Унинг азобига дучор бўлган бўлса, шубҳасиз, бунинг ягона сабаби Аллоҳнинг ҳукмларини писанд қиласлиги ёки уларга эътиборсиз бўлгани ёхуд уни ёмон кўриши бўлган. Шу боис, ҳижобга эътиборсизлик қилиш Аллоҳнинг буйруқларини писанд қиласликдан бошқа нарса эмас. Шунингдек, Аллоҳ таолонинг буйруғига «лаббай», деб жавоб бериб, ҳижоб кийган ва шу йўлда бардавом бўлиб мустаҳкам турган аёл эса Аллоҳ таолонинг розилигига, Ул Зоти Покнинг ҳузуридаги буюк ажр-мукофотларга эришиши шубҳасизdir.

Ҳижоб тажовузга қарши

Бугунги дунё янгидан-янги ташвишлар ва муаммоларни келтириб чиқармоқда. Аммо шундай муаммолар ҳам борки, инсоният пайдо бўлгандан буён аёллар бу муаммоларга ҳар доим дуч келадилар. Бу – таъқиб ва тажовуздир. Баъзи даврларни истисно қилганда, аёлларга нисбатан тажовуз жамиятда долзарб муаммога айланмаган пайт бўлмаган бўлса керак!

Хўш, бугунги кунимизда бу ҳақда нима дейиш мумкин?

Қайғули статистик маълумотларга кўра, АҚШда аёлларнинг тахминан 22 фоизи жинсий таъқибга учраб зўрланган. Уларнинг 39 фоизи эса ҳаётида икки ва ундан ҳам кўп марта бу ҳолатга дуч келганлар. Уларнинг ярмидан кўпи 11 дан 24 ёшгача бўлган хотин-қизлар эканлигини ҳисобга

олсак, демак, «жинсий жиноятлар – ёшларнинг фожиасига айланган!». 75-80 фоиз ҳолларда зўрловчи ҳам, зўрланган ҳам бир-бирига таниш бўлган ҳамкаслар, қариндошлар ёки дўстлар бўлишган. Ваҳоланки, бу мамлакатда аёлларнинг ҳақ-хуқуқлари, уларнинг ҳуқуқий жиҳатдан дахлсизлиги жуда яхши ҳимоя қилинади.

Россиядаги статистика юқоридагидан деярли фарқ қилмайди: аёлларнинг деярли тўртдан бири (улар асосан ёшлардан иборат) жинсий тажовузга учраган. Аммо Россияда бундай муаммолар билан ҳуқуқни ҳимоялаш органларига мурожаат қилиш (айниқса, бундай нозик масалада) ва ўз манфаатларини судда ҳимоя қилиш урф бўлмаганлиги туфайли, расмий статистика маълумотларига кўра ахвол қониқарли.

Айни пайтда, мусулмон дунёсидаги худди шу муаммо билан боғлиқ вазиятга назар ташласак, бу ерда у қадар кескинлик йўқ. Ўз динининг тартиб-қоидаларига риоя қилувчи муслима аёл, ҳатто АҚШ каби «эркин ахлоқли» мамлакатда ҳам мутлақо тажовузга учрамайди.

Муслима аёл ўзининг ташқи кўриниши ва хатти-харакати билан ҳар қандай тажовузни баратараф қиласди. Мастура қиз (ҳижоб билан ёпинган аёл) ўзининг олий адолатга бўлган иймон ва ишончи билан ҳимояланганлигини намойиш этади.

Хўш, Аллоҳ таоло аёлларни одоб-ахлоқ бузилган, шарм-ҳаёв ва ибо пардаси кўтарилиган ҳамда оила ва никоҳ деган нарсанинг ўзи йўқолиб бораётган баъзи жамиятларда қандай қилиб ва ниманинг воситаси или ҳимоя қиласди? деб сўрасангиз, албатта, ҳижоб билан, - деб жавоб берамиз! Фақат кийим-бош маъносида эмас, балки феъл-атвор, юриш-туриш ва турмуш тарзидаги ҳижоб билан!

Шубҳасиз, ҳижобдаги аёл – Исломнинг рамзи! Ҳижоб – аёлнинг чин эгаси Аллоҳ таоло эканлигини билдириб турувчи белгидир!

Ҳижоб – аёлнинг ожиза ва заифа эмас, ҳар қандай камситиш ва таҳқиrlарга нишон бўлган қуий инсон эмас, балки ўзига хос эркинлиги, қадр-қиммати, ор-номуси, хурмат-эътибори билан ҳар қандай эркакдан кам бўлмаган чинакам инсон эканлигининг хужжатидир.

Илм-Фан ҳам ҳижобнинг фойдали эканлигини тасдиқлади

Шак-шубҳасиз, ҳижоб – Ислом динида аёлларга фарз қилинган камтарона либос бўлиб, уларнинг гўзаллигини, баданларининг ҳажмини ҳамда қоматларини бегона кўзлардан тўсиб туради. Шу боис, муслима аёлларнинг деярли ҳаммаси ҳижобда ўзларини «ҳимояланган», «хавфсиз» ва «муҳтарама» ҳолда ҳис қилишларини айтадилар. Эндиликда эса бунинг илмий тарзда исботланган ҳикмати ва маъно-моҳияти борлиги аниқланди.

Психолог Сюзан Фиске (Suzan Fiske) ҳамда Принстон университетининг бир гурух тадқиқотчилари соғлом эркаклар бош миясини магнит-резонансли томография воситасида текшириб кўришди. Текширилаётган эркакларга ярим ялангоч ҳамда тўлиқ кийинган эркак ва аёлларнинг бир қатор фотосуратлари кўрсатиб турилди. Шунда баданлари очик аёлларни кўрган эркакларда аниқ ва ошкор қўзғалиш кузатилди. Суратдаги аёлларнинг бадани қанчалик очик бўлса, эркаклар бош мия пўстлоғининг олд мотор ҳудуди ҳамда ўрта чакка қисмининг орқа томонида қўзғалиш шунча кучли бўлди. Маълумки, миянинг бу қисмлари асбоб-ускуналар билан ишлаш, қўлларнинг ҳаракати ва умуман бирор амалга ундаш каби хатти-ҳаракатларни бошқаради (Сикара, Дель-Амор).

«Гўё эркаклар шу заҳотиёқ ўзларида бу аёлларга нисбатан уйғонган истак-ҳоҳиши ҳақида ўйлай бошладилар», - деди Фиске хоним Чикагода бўлиб ўтган Америка фанни ривожлантириш уюшмасининг ҳар йили бўлиб ўтадиган учрашувида. «Улар бу фотосуратларга одамлар жонли жисмларга қарагандек қарадилар», - дейди у (Николсон).

Эркакларнинг ўзлаштириш қобилиятлари синаб кўрилганда, улар чўмилиш кийимларини кийган аёлларнинг юзлари кўрсатилмаган суратларини бошқаларга кўра яхшироқ эслаб қолганлари маълум бўлди, ваҳоланки, улар бу суратларга бор-йўғи бир лаҳза кўз ташлаган эдилар, холос (Ландау).

Фиске хоним ўз гуруҳи билан эркакларнинг аёлларга нисбатан адоват кайфиятини ҳам синаб кўрди. Маълум бўлишича, тажовузкорликка мойиллиги бўлган эркаклар чўмилиш кийимидаги аёлларнинг суратларини томоша қилаётганда, уларнинг миясидаги фикрлаш фаолияти ва бошқаларнинг ҳиссиётларини ўйлаб қўриш, оддий қилиб айтганда, ўйлаб иш қилишни бошқарувчи мия ҳудудларида фаолият энг кам бўлган.

«Бу пайтда эркаклар аёлларнинг ақли ҳақида ўйлаб ҳам кўрмас эканлар», - дейди Фиске хоним (Сикара, Дель-Аморе, Ландау).

Хуллас, уларнинг тадқиқотига кўра, эркаклар ўзларининг жозибасини бўрттириб кўрсатувчи аёлларни инсонийликдан узокроқ деб қабул қиласар эканлар.

Фискенинг «Islam Online»га тақдим қилган марузасига кўра, эркакларнинг атрофдаги воқеликни фаҳмлаб олиш тизими тормозланиб қолса, улар шахвоний ҳисларни қўзғатувчи аёлларнинг инсонийлик даражасини паст деб қабул қиласар эканлар (Сикара).

Фиске хонимнинг айтишича, инсонда бошқа бир киши ҳақида бундай ёмон таассурот ҳосил бўлиши лаборатория тадқиқотларида кам учрайдиган ҳолдир. Бунга ўхшаш ҳолат фақат бир марта - яқинда «National Geographic»да чоп этилган мақолада қайд этилган эди. Унга кўра, тажрибада иштирок этган кишиларга дайдилар ва наркоманларнинг фотосуратлари кўрсатилганда, уларда нафрат ва ижирғаниш ҳислари уйғонганлиги кузатилган (Дель-Аморе).

Эркаклар ярим яланғоч аёлларнинг расмини кўрганда уйсиз дайдиларни кўргандагидек ҳолатга тушмадилар. Аксинча, тадқиқотлар бу эркакларнинг фотосуратдаги чўмилиш кийимини кийган аёлларни «итариб юборгиси», «қўлига олгиси», «тутиб олгиси» келганлигини қайд этишди (Дель-Аморе, Ландау).

Ушбу тадқиқотда иширок этган Принстон университети битирувчиси Мина Сикаранинг фикрича, эркаклар ўз аёллари ёки опа-сингилларига очиқ либос кийган аёлларга қарагандек қарамайдилар.

Бунинг устига, эркаклар тўлиқ ўранган аёлларнинг суратларини кўрганда ўз фикрларини асосан учинчи шахсада – «у итариб юборди», «қўлида қўтариб турибди», «тутиб олди» шаклида билдирганлар. Бу эса, Фиске хонимнинг фикрича, эркаклар ўранган аёлларни мустақил, хур аёллар деб қабул қилишларини, уларга нисбатан бирор хатти-ҳаракат содир этиш фикридан узоқ эканликларини кўрсатади (Эшльман, Ландау).

Демак, юқоридаги илмий текширувлардан келиб чиқиб шу натижага етамизки, аёлнинг либоси қанчалик тўлиқ бўлса, унга ҳурмат шунчалик кўп бўлади.

Фиске хонимнинг айтишича, тадқиқот натижалари аёллар учун, айниқса эркак ва аёллар аралаш ҳолда ишлайдиган жойларда ғоятда муҳим хulosаларга олиб келади. Ўз аёллик жозибасини бўрттириб қўрсатиб юрадиган аёлларга қўп назар солиш эркакларнинг ўша аёлларга бўлган муносабатига ва бунинг салбий оқибатларига бевосита таъсир қўрсатади (Ландау, Семпл).

Luorens (Луоренс) университети профессори Питер Глик олиб борган тадқиқотда эркакларнинг аёлларга салбий муносабатда бўлиш сабаблари ўрганилди. Маълум бўлишича, ишхонада очик-сочиқ кийиниб юрадиган аёлларнинг савияси ва ақл-заковати, ҳатто улар раҳбар лавозимида бўлсалар-да, эркакларнинг назарида пастроқ туюлар экан. «Diversity Jobs» маълумотларига кўра, профессор Гликнинг тадқиқотларида *«юқори мансаб ва раҳбар лавозимида ишловчи аёллар қўл остидагиларнинг ҳурматига сазовор бўлишилари учун камтарона ва анъанавий кийинишилари керак»* лиги қайд этилган.

Бир қатор тадқиқотлар ҳам порнографияни томоша қилиш ва аёлларга нисбатан тажовуз ҳолатлари, шу жумладан зўрлашлар ўртасида бевосита боғлиқлик борлигини кўрсатмоқда. Босния ва Ироқда бўлиб ўтган урушларда мисли кўрилмаган ғайриинсоний жиноятларни содир қилган солдатларнинг аксарияти порнографиянинг ашаддий ишқибозлари эканлиги, ҳатто бундай суратларни қотиллардан кейин «ўзига келиш» учун томоша қилишлари маълум бўлган (Чу, Рижали).

Фиске хоним ўз тадқиқот натижаларини бошқа олимларнинг хulosалари билан солиштириб кўриб, юқоридаги мазмундаги теледастурларни томоша қилиш ҳам инсоннинг зўравонликка бўлган эмоционал сезгисини сусайтириб юборишини қайд этди.

Ғурур ва ишонч

Камтарона ва анъанавий бичимдаги либосларнинг афзаллиги маълум бўлишига қарамай, ОАВда хижоб ҳақидаги фикрлар муслималарни камситилган ва ҳақсизлардек тасвирлайди. Бироқ, Карен Дениельсон хоним хижоб кийиш аёл кишида ўзига ишонч ва ғурур ҳиссини мустаҳкамлайди, - дейди.

Дениельсон хоним асли америкалик бўлиб, Иорданияда яшайди. У илк бор 1983 йилда Исломни қабул қилганидан кейин хижоб кийган. «Кўчада

ҳижобда юраман. Ҳижобдалигимда менинг эркаклар учун гўзал ёки хунуклигимни ҳеч ким қўра олмайди, - дейди у «Islam Online» мухбири Каренга. Мени ўзимнинг ахлоқим ва заковатимга қарабгина баҳолашлари мумкин. Бу имкониятни менга ҳижобим беради. Чунки, мен кўзга ташланмайдиган, эркакларнинг эътиборини тортмайдиган либосда ва камтарона қиёфада бўламан», - деб сўзини давом эттирди.

«Мен ҳижобда ўзлигимни сақлаб қоламан, ўз фикрим, ўз қарашларимга эга бўламан, - деб сұхбатга қўшилади Сумайя Финниген. – Мен ҳамма нима деса шуни гапирмайман, ҳамма нима кийса шуни киймайман, мен қандай либос кийишни ўз эътиқодимдан келиб чиқиб танлайман. Бу эса мен учун мутлақо ҳурриятдир», дейди у.

1979 йилда Исломни қабул қилган америкалик муслима Билқис Мұхаммаднинг фикри ҳам худди шундай. Унинг айтишича, «хижоб аёлнинг ўзини ҳам, унинг атрофидагиларини ҳам камтарликка, хаёли бўлишга ундан туради». Бугунги кунда Саудия Арабистонида истиқомат қилаётган Билқис хоним қоматини ҳам, юзини ҳам бегона кўзлардан тўсиб юради ва «бу нарса атрофдагиларни, айниқса бегона эркакларни кўзи ва тилини тийиб юришга мајсбур қиласи, менга бемаъни гап айтишига йўл бермайди» дейди у.

Ҳижоб ва хавфсизлик

Иорданияда яшовчи яна бир америкалик аёл – Кари Абудейи ўн икки ёшидан буён Исломда экан. У ҳам «Islam Online»га интервью беришга рози бўлди. «Мен ҳижобда юрсам, камтарона кийинсан, ўзимни мутлақо хавфсиз сезаман», - дейди у. «Бу мени эркаклардан тўсувчи, уларнинг назарларидан менга ва менинг номусимга хурматсизлик қилишларидан ҳимоя қилувчи пардамдир. Бу парда мени тасодифан кўзи тушиб қолган бегона эркакнинг инстинктив (ғаризавий) синовчан назар ташлашидан, уларда менга нисбатан шаҳвоний майл уйғонишидан, ҳатто очик-сочик либос кийганларни кўрганда уларнинг фикридан ўтадиган хаёллардан ҳам ҳимоя қила олади», деб сўзини давом эттирди у.

Кари хоним яна ўз сўзида давом этиб, шундай деди: «Бу сенга шилқимлик қиласидан эркаклардан, уларнинг ёнингга келиб олишидан, гап отиб, сенга тикилиб туришидан ва ҳатто қўл текизишидан ҳимоя қилувчи мустаҳкам зирҳли қалқондир».

Асли Лондонлик бўлган Финниген хоним ҳижоб кийишни «Парвардигоримга итоат рамзи, аёлни жисмоний жиҳатдан ҳам, маънавий жиҳатдан ҳам ҳимоя қилиш», деб ҳисоблайди ва ҳозирги ҳолатини 1999 йилда Исломга кириб, ҳижоб кийгунгача бўлган давр билан қиёслайди. «Баъзан, кимдир ортимдан эргашиб келмаяпти микан, деб ҳатто ўз уйимга етиб олгунча кўрқанимдан сал ёпиқроқ кийим кийиб олсам бўларкан, деб афсусланган пайтларим бўларди. Ҳар куни кечқурун уйга қайтар эканман, менга кимдир ташланиб қолмасмикан, номусимга тажовуз қилиб қолмасмикан, деб ортимга кўрқа-писа қараб келардим», - деб эслайди Финниген хоним.

Тўғри, аёлнинг хулқ-атвори ёки кийимидан қаътий назар унга тажовуз қиласиганлар ҳам топилади, деб тан олади Билқис хоним. Бироқ, унинг фикрича, «муслиманинг ҳижоби кўнгилсиз жисмоний тажовузлардан қўшимча ҳимоядир».

«Ҳижобнинг асосий мақсадларидан бири – бу аёлни майший бузук кишиларнинг назаридан, шилқимлик қилиб, гап отадиганлардан ҳимоя қилишдир», - дейди ар-Риёздаги ал-И мом университети профессори Шайх Риёз ал-Мусаймирий.

«Islam Today» нашрига кўра, баъзи ғарб шарҳловчилари аёлнинг рўмол ўраши ўзининг ижтимоий мавқеи пастроқ эканлигини тан олишидир, деб ҳисоблайдилар. «Бундан ҳам қаттиқ адашиш мумкинми?! Ахир Қуръони Каримда бундай либосдан мақсад аёлнинг атрофдагилар томонидан ҳурмат қилинишидир, деб очиқ-ойдин айтилган-ку. Ҳижоб аёлнинг номидан унинг атрофдагиларига: «Мени инсон сифатида ҳурмат қил, шаҳватни қондирувчи омил сифатида эмас» деб туради, деб ёзади «Islam Today».

Билқис хоним ҳижоб кийишда бир лаҳза ҳам иккиланмаганлигини айтиб: «Менда хавфсизлик муаммоси бўлмаган. Мен бу ҳақда ҳеч қачон ўйлаб ҳам қўрмаганман», - дейди у. «Бу Аллоҳнинг фарзларини адо қилиш масаласи эди. Мен Исломни қабул қилиб, унинг ярмигагина риоя қилиб, баҳтли бўла олмас эдим ахир. Мен ё муслима бўлиб, шариат аҳкомларига энг тўлиқ тарзда амал қилишим ёки аввалги ҳолимда қолишим керак эди».

«Менинг бу либосим менга ҳам, атрофдагиларга ҳам менинг кимлигимни, ахлоқимни, динимни эслатиб туради. Бу – энг олий мақом хавфсизликдир. Бу – тафаккур ва соғлом қалбdir. Аллоҳ таолога ҳамду санолар бўлсин», - деб сухбатга яна қўшилади Дениельсон хоним.

Яхудий ва Насроний динларида ҳижобнинг ўрни

Насронийлиқдан фарқли ўлароқ, Исломда ҳижоб эркакнинг аёл устидан хукмронлик белгиси эмас. Яхудийлиқдан фарқли ҳолда ҳижоб зодагон эрлик аёлларнинг ўзига хос ажратувчи белгиси ҳам эмас. Ҳижобнинг Исломдаги маъно-моҳияти фақатгина аёлнинг инсонийлигини, унинг жамиятдаги хурмат-эҳтиромини ҳамда аёл зотининг шаънига бўладиган тажовуздан қўриқлашдир.

Аммо тақдирнинг ғаройиб ўйинига қўра, рўмол ёки бошни ўровчи кийимни агар бир католик монах аёл ўраса авлиёлик рамзи, Яратганнинг «қиёфаси» ва «шарафи» бўлган эркакнинг аёл устидан «хукмронлик белгиси» сифатида қаралади-ю, худди шу кийимни бир мусулмон аёл ўзини ҳимоя қилиш мақсадида ўраса, аёлнинг камситилиши ва унга бўлган жабру зулмнинг зоҳир бўлиши деб баҳоланади...

Ғарбликлар нуқтаи назаридан аёлларга жабр-зулм ва уларни камситишнинг энг ёрқин тимсоли бўлмиш ҳижоб ёки ёпинчиқ масаласига ойдинлик киритишимиз лозим бўлиб, бу борада яхудий ва христианлик анъанасида ҳам аёлларнинг ёпиниши ва бошини ўраши бўлганми? деган савол туғилади.

Библия адабиёти бўйича профессор Раввин Менаҳаем Брайер ўзининг «Яхудий аёли раввинлик адабиётида» номли китобида ёзишича, яхудийларда аёллар жамоат жойларида ундей-бундай ҳолда эмас, балки айнан бошларини ўраган ҳолда, баъзан эса ҳатто кўздан бошқа ҳамма жойини беркитган ҳолда кўриниши русум бўлган. Муаллиф қадимий устозлардан бирининг сўзини қуйидагича келтиради:

«Истроил қизларига бошлари очиқ ҳолда чиқши ярамайди. Ўз хотинига сочларини кўрсатишга рухсат берган эркакка лаънат бўлсин. Ўз сочларини зийнат учун кўз-кўз қилувчи аёл баҳтсизлик келтиради».

Раввинлик хуқуқ бўйича, боши очиқ ҳолдаги турмуш қурган аёллар иштирокида Худога ҳамду сано айтиш ёки ибодат қилиш тақиқланади. Зероки, боши очиқ аёл «яланғоч» ҳисобланади. Шу билан бирга, бошини ўраб юриш ҳамиша ҳам камтарлик аломати ҳисобланмасди. Баъзан рўмол ўраш кўпроқ аёлнинг олий наسابини, унинг эгалик эканлигини, унга ёндошиш мумкин эмаслигини, унинг эрининг тақводор эканлигини

кўрсатган. Паст табақали аёллар кўпинча юқори ижтимоий мавқега эгадек бўлиб қўриниш учун ҳам рўмол ўраганлар.

Европада яхудий аёллар XIX асрнинг ҳаёти дунёвий маданият билан боғланиб қолган давргача, бошларини ўраб юришни давом эттирганлар. Ундан кейин эса баъзи яхудий аёллар бошни ўровчи ўзига хос восита сифатида парик кия бошладилар. Бугун эса уларнинг энг художўйлари ҳам бошларини ўрамайдилар, аммо уларнинг баъзи аёллари, масалан, ҳасидларнинг вакиллари ҳалигача парик кийишини давом эттирмоқдалар.

Христианликка келадиган бўлсак, католик монах аёллари бир неча асрлардан буён бошларини ёпиб келадилар. Аммо масала фақат шу билан тугамайди. Аёлларнинг бошларини ўрашлари хақида «авлиё» Павелнинг Инжилдаги айтганлари жуда ҳам қизик:

«Шунингдек мен ҳар қандай эркакка бошлиқ – Masих, хотинга бошлиқ – эр, Masихга бошлиқ – Худо эканлигини билишиларингизни истайман. Боши ёни ҳолда ибодат ёки башорат қилувчи эр киши ўз бошини маломатга қолдиради ва шунингдек боши очиқ ҳолда ибодат ёки башорат қилувчи аёл ҳам бошини маломатга қолдиради, чунки бундай қилиши у (аёл)нинг боши қириб ташланиши билан бир хил;agar аёл бошини ўрашни истамаса, уни қириб ташласин; agar аёл сочи қирқилишидан ёки қириб ташланишидан уяладиган бўлса, унда бошини ўрасин.

Шундай қилиб, эркак бошини ўраши керак эмас, у Худонинг қиёфаси ва шарафидир; хотин бўлса эрнинг шарафидир. Чунки, эркак аёлдан эмас, балки аёл эркакдан бунёд бўлган, эр хотин учун эмас, балки хотин эр учун яратилган. Шунинг учун ҳам аёл ўз бошида унинг устидан фаришталар учун ҳукмронлик белгисига эга бўлиши лозим».

Манба: 1 Коринфликларга 11: 3-10.

Шундай қилиб, муқаддас Павел аёлларга Худонинг қиёфаси ва шарафи бўлган эркакларнинг улар устидан ҳукмронлик белгиси сифатида бошларини ўраб юришларини буюради. Католик черковининг диний ақидалари ҳам аёлларга черковда бошларини ўраб юришни буюради.

Юқорида айтилғанлардан келиб чиқиб шуни айта оламизки, аёллар бошларини ўраб юриш «удуми» Ислом томонидан кашф ва таъсис этилмаган. Аммо бу урф-русум Ислом томонидан қўллаб-қувватланган. Куръони Карим иймонли аёлларга ўзларидан камтаринлик ва иффатлилик кўрсатган ҳолда бошларини, кўкракларини ва бўйинларини ёпиб юришларини таълим беради:

فُلْ لِلْمُؤْمِنِينَ يَغْضُبُوا مِنْ أَبْصَارِهِمْ وَيَحْفَظُوا فُرُوجَهُمْ ۝ ذَلِكَ أَرْجُي لَهُمْ ۝ إِنَّ اللَّهَ حَبِيرٌ بِمَا يَصْنَعُونَ ۝ ﴿٣٠﴾ وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ فُرُوجَهُنَّ وَلَا يُبَدِّلْنَ زِينَتَهُنَّ إِلَّا مَا ظَهَرَ مِنْهَا ۝ وَلَيُضْرِبْنَ بِخُمُرِهِنَّ عَلَىٰ جُيُوبِهِنَّ ۝

«(Эй Мұхаммад,) мұмиларга айт: күзларини (номаҳрам аёлларга қараشدан) тийсинлар ва авратларини (зинодан) сақласынлар. Ана шу (иши) улар учун покроқдир. Албатта, Аллоҳ қилаётган ишларидан хабардордир.»

«Мұмина аёлларга айт: күзларини (эркакларга бўлган шаҳватли нигоҳлардан) тийсинлар. Ва авратларини (зинодан) сақласынлар ҳамда кўриниб турадиган (яъни юз, кафтлар ва оёқларнинг тўпикдан паст қисми)дан бошқа зийнатларини кўрсатмасынлар. Рўмолларини кўксиларига тўсиб юрсинлар. (Токи, бўйин, кўксилари ва кўкраклари кўринмасин)...» (Нур сураси, 30 ва 31-оятлар).

Авратлар нега бунчалик мухим?

Куръони Карим буни қуйидагича изохлади:

﴿يَا أَيُّهَا النَّبِيُّ فُلْ لَا زَوَاجَكَ وَبَنَاتِكَ وَنِسَاءِ الْمُؤْمِنِينَ يُدْنِينَ عَلَيْهِنَّ ۝ ذَلِكَ أَدْنَى أَنْ يُعْرَفُنَ فَلَا يُؤْذِنُ ۝ وَكَانَ اللَّهُ غَفُورًا رَّحِيمًا ۝﴾

«Эй Пайгамбар, жуфтларингга, қизларингга ва мұмиларнинг аёлларига айт: жилбобларини (узун рўмолларини ёки бутун баданларини ёпадиган кенг кийимларини) ўзларига яқин қилсинлар. Ана ўша уларнинг (ким эканликлари) танилиб, озорга учрамасликлари учун энг яқин (услубдир). Аллоҳ ўта мағфиратли ва раҳмли зотдир» (Аҳзоб сураси, 59 – оят).

Авратни яшириш аёлни унинг шаънига тегишдан қўриқлашга қаратилган. Яъни аёллар боши ва баданини ёпиб юришга буюрилишидан кўзланган ягона мақсад жамиятда уларнинг шаъни ва хурматини сақлаб қолиш ҳамда уларни нопок кўзлардан ҳимоя қилишдир, холос.

Пайғамбаримиз Мухаммад Расулуллоҳ *(саллаллоҳу алайҳи ва олиҳи васаллам)* муслима аёлларнинг жамиятда ҳижоб кийишлари билан бирга уларнинг ҳаё-ибо, иффат ва покдомонликлари сақланиб қолишига алоҳида эътибор қаратардилар. Бу борада қуидаги ривоятни келтирамиз:

Сарвари коинот ўзларининг охирги ҳажларини амалга ошириб қайтиб келаётганларида ул зот машҳур «Ғадиyr» номли хутбаларини ўқидилар. Шундан сўнг йиғилганлар Расулуллоҳ *(саллаллоҳу алайҳи ва олиҳи васаллам)* нинг ҳузурларидан фойдаланиб ўзларининг турли саволлари билан ул ҳазратга мурожаат қилишар, саволларига жавоб олишар эди. Шунда ҳозир бўлганлар орасидан бир аёл чиқиб ҳазратнинг олдиларига келиб, ўзининг саволларини ул ҳазратдан сўрай бошлади.

Ул ҳазратнинг Фазл бин Аббос номли саҳобалари Расулуллоҳ *(саллаллоҳу алайҳи ва олиҳи васаллам)* нинг орқаларида ўтирган эди. Ҳалиги савол берувчи аёл келгандан бери кўзини ундан узмас эди, ўз навбатида у аёл ҳам кўз қирини Фазл бин Аббосга ташлаб турад эди. Буни сезган Расулуллоҳ *(саллаллоҳу алайҳи ва олиҳи васаллам)* қўлларини Фазлнинг бошига қўйиб, оҳиста ва меҳрибонлик билан юзини тескари ўгириб қўйдилар-да, сўнгра шундай дедилар:

«Бир ёши йигит ва ёши аёл орасида шайтон макон қилиб олишидан қўрқаман».

Бугунги кунга келиб ижтимоий тармоқларда номаҳрам эркак ва аёллар орасидаги муносабатлар, айниқса хотин-қизларнинг ҳижоб ва ёпинчиққа ўранишлари масаласи кенг муҳокама қилинмоқда. Шуни инобатга олган ҳолда Аллоҳ таолонинг ушбу фарз амали муслима аёлларимиз орасида кенг ёйилишини истаб ва бу хусусда зиммамизда улкан вазифа борлигини тушуниб етганимиз учун ҳижобнинг турли қирраларини дикқат-ла ўрганиб чиқиб сиз азизларга тақдим этдик.

Хижоб кийиш аёлларга қачондан бошланиб қачонгача давом этади?

Бу ерда аёлларнинг хижоб ва ёпинчиқ кийишлари қачондан вожиб бўлади ва қачонгача давом этади? деган бир муҳим савол ҳаммада туғилиши мумкин. Ушбу саволга жавобан шуни айтишимиз лозимки, қиз болалар ҳижрий қамарий йили ҳисоби билан тўққиз ёшга ва милодий йили ҳисоби билан эса 8 йил, 8 ой ва 28 кунга тўлганида, Ислом дини шариати нуқтаи назаридан балоғат ёшига етадилар ва шариати исломияда бу ёшга «таклиф ёши» ҳам дейилади. Ушбу «таклиф ёши»га етган қиз болаларга шариат аҳкомлари, жумладан намоз ўқиш, Рамазон ойида рўза тутиш ва ўзини номаҳрам эркаклардан беркитиш учун хижоб ва ёпинчиқ кийиб баданининг қалтис жойларини ёпиш вожиб бўлади.

Юқорида айтилган масала Исломдаги барча мазҳаблар томонидан иттифоқи назар билан қабул қилинган. Демак, аёлларнинг хижоб кийишлари неча ёшдан уларга вожиб бўлиши маълум бўлди. Бироқ аёлларнинг хижоб ва ёпинчиқ кийишлари айrim фарз амаллар каби умларининг охирига қадар вожиб бўладими ёки маълум ёшга етганларида бу фарз амал уларнинг зиммасидан кўтариладими? деган саволнинг жавобини Қуръони Каримнинг қўйидаги оядидан кўриб чиқамиз:

وَالْفَوَاعِدُ مِنَ النِّسَاءِ الَّتِي لَا يَرْجُونَ نِكَاحًا فَلَيْسَ عَلَيْهِنَّ جُنَاحٌ أَنْ يَضْعُنَ ثِيَابَهُنَّ عَيْرَ مُتَبَرِّجَاتٍ بِزِينَةٍ ﴿٦٠﴾ وَأَنْ يَسْتَعْفِفْنَ
خَيْرٌ لَّهُنَّ ﴿٦٠﴾ وَاللَّهُ سَمِيعٌ عَلِيمٌ

«Турмуши қуришини умид қилмайдиган, кексайиб - ўтириб қолган аёлларга зеб-зийнат билан безанмаган ҳолларида кийимларини [рўмол ва ёпинчиқларини] олиб қўйишларида бирор гуноҳ йўқдир. Иффатли бўлишлари ўзлари учун яхшироқдир. Аллоҳ ўта эшиитгувчи, ўта билгувчи Зотдир» (Нур сураси, 60-оят).

Хадиси шарифларда баён қилинганидек, ушбу оядаги «кийимлар»дан мурод жилбоб (тўнга ўхаш аёлларнинг бутун танасини тўсадиган устки кийим) ва химор (аёлларга хос бўлган соч, бўйин ва кўкракни беркитувчи рўмолга ўхаш бosh кийим)дир.

Шубҳасиз, ушбу ояти каримада ўта қариб кексайиб қолган ва бунинг натижасида никоҳ ва турмуш қуришдан умуман умидсизланиб қолган

аёлларга, бошқа таъбир билан айтганда, кексайиш натижасида аёллик таровати, чиройи ва нафосатини ҳамда табиий жозибасини йўқотиб турмуш қуришни умид қилмаган аёлларга ҳижоб киймасликка рухсат борлиги баён қилинган ва улар эгниларидағи жилбобни ва бошларидағи химорни (рўмолни) олиб қўйсалар ҳам, уларга ҳеч бир гуноҳ йўқлиги айтилган. Шарти шуки, улар ўзларини турли зеб-зийнатлар билан безамасинлар. Кекса ёшдаги аёлларга ҳижобни ечишга рухсат берилганининг сабаби бу ёшдаги аёллар ҳижобсиз ҳолда юрсалар ҳам, жамиятда фасод, бузғунлик ва ахлоқсизликка олиб келмайди. Аммо шунга қарамай, улар ўзларини ҳижоб ва ёпинчиқ билан беркитиб иффатлилик ва покдомонлик йўлини тутсалар, улар учун яхшироқдир, деб оятнинг давомида айтилган.

Маъсум имомларимиздан мазкур оятнинг тафсирида келган ҳадисда шундай дейилган:

وَعَنْ عَلَىٰ بْنِ إِبْرَاهِيمَ، عَنْ أَبِيهِ، عَنْ أَبِي عُمَيْرٍ، عَنْ حَمَادَ، عَنْ الْحَلَبِيِّ، عَنْ أَبِي عَبْدِ اللَّهِ عَلَيْهِ السَّلَامُ «أَنَّهُ قَرَأَ
﴿أَنْ يَضَعَنَ ثِيَابَهُنَ﴾ قَالَ: الْخَمَارُ وَالْجَلْبَابُ. قَلْتُ: بَيْنَ يَدِيِّ مَنْ كَانَ؟ قَالَ عَلَيْهِ السَّلَامُ: بَيْنَ يَدِيِّ مَنْ كَانَ، غَيْرُ
مُتَبَرِّجَةٍ بِزِينَةٍ، فَإِنْ لَمْ تَفْعِلْ فَهُوَ خَيْرٌ لَّهَا» [٢]

Халабий Абу Абдиллоҳ (имом Жаъфари Содик (*алаїхис салом*))дан ривоят қилган сахих ҳадисда ул ҳазрат «*кийимларини олиб қўйишларида...*» оятини ўқиб: «Кийимларидан мурод «Химор» [рўмол] ва «Жилбоб» [бутун танани тўсадиган ёпинчиқ], - дедилар. Шунда мен: Ҳар кимнинг ҳам олдида кийимларини киймай олиб қўя ололадиларми? деб сўрадим. Ул ҳазрат: «Зеб-зийнатлар билан безанмаган ҳолда ҳар кимнинг ҳам олдида кийимларини олиб қўя ололадилар, агарчи бу ишни қилмасалар, улар учун яхшироқдир», - дедилар.

Манба: Шайх Ҳур ал-Омилий, “Васоил аш-шиъа” 14-жилд, 147-бет, 110-боб, 2-ҳадис.

Демак, юқорида айтилганлардан келиб чиқиб шу хулосага келамизки, аёллик таровати, чиройи ва нафосатини қўлдан берган кекса ёшли аёлларга ҳижоб ва ёпинчиқ кийиш вожиб эмас, лекин ҳижобга ўраниб юрсалар ҳам, ўзлари учун яхшироқ бўлади.

Ҳижоб ҳақидаги саволлар ва шубҳалар

Ҳижоб кийишга қарши бўлганлар томонидан айрим савол ва шубҳалар илгари сурилган бўлиб, уларни шу ерда ўрганиб чиқамиз.

1. Шубҳа: Ҳижоб кийишга мухолиф бўлганларнинг ҳаммаси бир назар билан билдирган асосий шубҳаларига кўра, аёллар ва хотин-қизлар жамиятнинг яrimини ташкил этади, бироқ ҳижоб кийиш ва ўраниш уларнинг жамиятда яккаланиб қолишларига сабаб бўлади ва бунинг оқибатида улар фикрий ва маданий соҳаларда орқада қоладилар. Айниқса, илм-фан ва саноат ривожланаётган даврда фаол инсоний кучларга эҳтиёж сезилаётган бир пайтда ҳижоб кийиб ўраниш аёлларнинг истеъдод ва қобилиятларидан фойдаланишга тўсқинлик қиласди, маданият ва таълим олиш муассасаларида уларнинг ўрни бўш қолади! Шу тартибда улар фақат истеъмол қилувчи шахслар бўлиб қолиб жамият учун ортиқча юкка айланадилар.

Жавоб: Бундай мантиқ асосида сўз юритадиганлар бир неча масаладан буткул бехабардирлар. Зеро, биринчидан; ким айтдики, Қуръони Каримда буюрилганидек ҳижоб кийиш аёлларни яккалаб қўйиб жамиятдан узоклаштиради деб? Айрим ислом давлатларида жамоат жойларида – ўқув маскани, таълим муассасалари, давлат идоралари, радио-телевидиниялар, шифохоналар ва соғликни сақлаш марказларида жуда кўп ҳижобли аёллар фаолият кўрсатадилар ва ҳижоб кийиш уларнинг қилаётган фаолиятларига бирор монелик қилаётгани йўқ. Демак, ҳозирги кунда амалда қўриб турган вазиятдан келиб чиқиб шу хulosага келамизки, аёлларнинг ҳижоб кийиши уларнинг ижтимоий, иқтисодий ва маданий соҳалардаги фаолиятларининг олдини олаётгани йўқ, балки ҳижобга ўраниш уларга ўзларини қулай ҳис қилган ҳолда озод фаолият юритишлари учун шароит яратади.

Иккинчидан, айтилганлардан ташқари уй юмушларига етишиш ва келажакда жамиятга фойдали бўлган етук фарзандларни тарбиялаш жуда улкан бир иш эмасми?! Аёлнинг ушбу улкан бурчини ижобий иш деб ҳисобламайдиганлар унинг оила ва фарзанд тарбиялашдаги ўрни ҳамда соғлом ва ҳаракатчан жамият етиширишдаги ролидан бехабардирлар. Бундайларнинг фикрича, мусулмон эркак ва аёллар худди оврўпалик эркак ва аёллар каби эрталабдан туриб идора ва корхоналарда ишлаш учун уйни тарк этиб, болаларини боғчага топшириб ёки уларни уйда қолдириб кетиб, уларга очилмаган ғунчалик чоғиданоқ ҳаётнинг аччиқ таъмини тоттириш

керак. Ҳолбуки, бундай йўл тутиш болалар шахсияти оёқ-ости бўлиб, жамиятнинг келажагини хатар остида қолдирадиган руҳсиз ва инсоний туйғусиз шахслар бўлиб етишишларига олиб келади.

2. Шубҳа: Ҳижобга ўраниш борасида илгари сурилган шубҳалардан яна бири қўйидагича баён қилинган: Ҳижоб кийиш эркаклар билан аёллар ўртасини ажратгани сабаб эркакларнинг аёлларга бўлган жинсий иштиёқ ўтини сўндириш ўрнига баттар алангалаиди. Зеро, инсон ман этилган нарсага ҳарис ва иштиёқманд бўлади.

Жавоб: Бу шубҳа ёки аникроғи сафсатага жавобан шуни эслатиш лозимки, аёллар ҳижобга ўранган жамият билан аёллар ҳижобсиз очиқ юрган жамиятни муқояса этсак, ошкора маълум бўладики, аёллар ҳижобда юрган ўлкаларда фиск-фасод ва ахлоқий бузуқликлар, оиласарнинг бузулиши ва отаси номаълум бўлган болаларнинг туғилиши ва шуларга ўхшаш кўпгина муаммолар аёллар очиқ юрган жамиятга қараганда, жуда озdir. Демак, аёлларнинг ҳижобда юришлари жамиятда юзага келадиган кўпгина ахлоқий бузуқликларнинг олдини олади ва жамиятнинг руҳий соғломлигини таъминлаш билан бирга, инсонлар осойишта ва баҳтиёр яшашларига сабаб бўлади.

3. Шубҳа: Айримлар ўзларича, муҳими ҳижоб эмас, муҳими қалб поклигидир. Ҳижоб, ҳижоб дейсизлар-у, аммо кўп ҳижобли аёлларни кўряпмиз, ҳижоб ичida кўзи олма-кесак теради ёхуд ҳижоб кийиш арабларнинг миллий кийимиdir, ўраниб юрмаса ҳам бўлаверади, деган фик-мулоҳазалар билан Аллоҳ таолонинг Қуръони Каримдаги фарзини савол остига қўйишга интилганлар.

Жавоб: Юқоридаги шубҳаларга жавобан, бир неча масалаларни кўздан кечирмоқ лозим;

Биринчидан, қалбнинг соф ва тозалиги амалда Аллоҳга итоат қилиш билан исботланади. Шу боис, инсон Аллоҳ таолога итоат қилган ва фарзларни бажарган миқдорда унинг қалби соф ва тоза бўлади. Фарзлар ичига аёлларнинг авратларини эркаклардан тўсиб юришлари ҳам кирагани учун бу амалга нисбатан бефарқ ва эътиборсиз бўлиш ярамайди. Бунга қўшимча, Аллоҳ таоло ва ислом қалбда бўлади дейиш худди имтиҳонда синов қофозини оппок ҳолда топшириб, илм бошда бўлади, дейишга ўхшайди.

Иккинчидан, эсимиздан чиқармайлик, одамларга қараб, исломга ҳукм қилинмайды, аксинча, исломга қараб одамларга ҳукм қилинади. Бунинг маъноси ҳижоб кийиб, исломга қарши амал қилган аёлларга қараб, ислом шунаقا экан дейилмайди.

Учинчидан, аёлларимизда ҳижобга бўлган нотўғри қараш шаклланишида ўзбек кинофильмларининг ҳам хизмати бор. Масалан, «Алданган аёл» каби фильmlар чиқариб, халқимизга ўта қучли руҳий зарба беришди, ваҳҳобийлик ва диний экстремизмнинг олдини олиш тадбирчоралари билан ҳижоб кийиш каби Аллоҳнинг фарзларини бажаришга тўсиқлар яратишиди. Бунинг натижасида ҳозирги кунда мусулмонлар орасида ҳам хотин-қизларнинг ҳижобда юришларига қарши бўлганлар истаганча топилади.

Сўзимиз пировардида шуни эслатиб ўтишимиз керакки, бундай тадбирчоралар ва уринишлар билан Аллоҳ таолонинг аҳкоми ва нурини сўндириб бўлмайди. Негаки, Тангри таоло Ўзининг ҳикматли китоби бўлмиш Куръони Каримда бу борада шундай марҳамат қилган:

﴿يُرِيدُونَ لِيُطْفُوُوا نُورَ اللَّهِ بِأَفْوَاهِهِمْ وَاللَّهُ مُتِمٌ نُورِهِ وَلَوْ كَرِهَ الْكَافِرُونَ﴾

«*Улар Аллоҳнинг нурини оғизлари билан сўндирмоқчи бўлурлар. Ҳолбукি, Аллоҳ, гарчи кофиirlар ёқтирмасалар-да, Ўз нурини тўйла ёйгувчиidir*» (Саф сураси, 8-оят).

ХИЖОБЛИ АЁЛ ШЕҮРЛАРИ

Күзинг-у, қалбингни забт этган түлиб

Нафосат ҳақида сурсанг гар хаёл.

Нұқсонсиз гүзәллик тимсоли бўлиб

Юрган бир ҳасратдир хижобли аёл!

Бироқ осон эмас юрмоқ хижобда,

Бугун бу кўпларга келмоқда малол.

Ҳис қилар ўзини бегона дунё,

Келгинди хилқатдир хижобли аёл.

Авж олган бузуқлик, масиятлардан,

Не-не қадриятлар бўлди-ку увол.

«Эй Роббим, паноҳ бер!» дея булардан

Беркинган сувратдир хижобли аёл.

Кўплар аёл номин бўлғайди тинмай,

Авратлар очилиб, бўлишар хушхол.

Тақвосин кўрсатиб, ўзин кўрсатмай

Сақланган сийратдир хижобли аёл.

Миллат-у, динини кўплар унутиб

Гуноҳлар қаърида топаркан завол,

Тақвоси тимсоли либоси бўлиб

Динига қувватдир хижобли аёл.

Беҳаё кимсалар, динсиз жоҳиллар

Масхара қилганда уни bemalol.

«Аллоҳим, уларга ҳидоят бер», деб

Энг яхши ниятдир ҳижобли аёл.
Унинг мавжудлиги кўнгилга малҳам
Кўз қувнар, қалб эса бўлмагай беҳол.
Китоблар ёқилиб кетганида ҳам
Исломга хужжатдир ҳижобли аёл!
Даъватлар тўхтаган телба диёрда
Хар кимнинг кўнглида катта бир савол.
Индамай кетса ҳам кўзлари ерда
Катта бир даъватдир ҳижобли аёл.
Унга ҳавас қилгум, дегум, «эй синглим,
Эрларга тақвода ўrnak бўлиб қол!»
Иймондан воз кечган эркаклар учун
Энг яхши ибратдир, ҳижобли аёл.

**NAJOTKEMASI.NET – Халқаро Исломий Ахборот ва
Тадқиқот Марказида тайёрланди.**